

8666/
=2

三



中国国家图书馆
NATIONAL LIBRARY OF CHINA

楹聯叢話卷之七

福州梁章鉅輯

勝蹟下

濟南勝景以趵突泉爲最奇而楹聯語多粘滯惟石環堂
廉訪一聯云畫閣鏡中看幻作神仙福地飛泉雲外聽寫
成山水清音尚不泥於跡象也

濟南大明湖前有匯泉寺中有辟蕪館面湖而立爲游人
遊集之所全湖勝概皆在目前今湖面爲荷塘蘆港所隔
舟行須詰曲隨之有舊人聯句云舟行著色屏風裏人在



同文錦字中據寺僧云是前維縣教官郭銘盤所書尚未
知何人所撰也劉金門先生聯云四面荷花三面柳一城
山色半城湖孫淵如先生星衍集唐句聯云地占百營多
是水樓無一面不當山

大明湖中有小滄浪湖之南嶺卽學使者官署署中池水
亦七十二泉之一與湖相通池上有小亭吳巢松學使屬
余分書小小滄浪一扁賦七古一首爲謝有荷花如城月
如斗之句余和答詩有名流作主泉作賓之句適成對語
因集書一小聯畀之而學使遽歸道山不及懸挂矣

廷曙堦曾官温州台州最後守泰安題署齋一聯云桑麻
課罷開花徑台蕩遊還拜嶽雲

四川天回鎮以唐明皇幸蜀返蹕駐此因名驛亭中以李
青蓮句爲聯云地轉錦江成涓水天迴玉壘作長安

四川嘉定府城外有凌雲山山下有凌雲寺爲坡公少年
讀書處有樓塑坡公少時像山甚峻樓前卽大江寺門外
有集句聯云千青雲而直上障百川而東之時梅其渾成
切實樓中有郭蘭石學使星衍題聯云萬戶侯何足道哉
顧烏帽青鞵難得津梁逢大佛三神山如或見之問黃樓



中国国家图书馆
NATIONAL LIBRARY OF CHINA

赤壁何如鄉郡挾飛仙

少陵草堂中佳聯頗多如詩史堂聯云水石適幽居想溪
外微吟翠竹白沙依草閣樓臺開暮景結花間小隊野梅
宮柳接春城草堂集句聯云萬里橋西宅百花潭北莊獨
立樓集句聯云卽今耆舊無新詠何處老翁來賦詩草亭
集句聯云至今班竹臨江活無數春筍滿林生恰受航集
句聯云孤城返照紅將斂仙侶同舟晚更移杜公神龕集
句聯云旁人錯比揚雄宅日暮聊爲梁甫吟陸放翁配享
龕集句聯云錦里先生爲老伴玉霄散吏是頭銜皆風雅

河懷神爲合橋之祀于夫國躍萬民環覩如畫圖然余擬
題橋門一聯云天險化康衢直如海市樓中現不住法何
端開畫本安得雲梯關外作如是觀雲梯關爲淮黃歸海
之要區由委塋源幾及萬里余曾筦修防者三載臨流回
憶夷險頓殊矣河神廟中有查九峰觀蔡延華聯白曾經
滄海千層浪又上黃河一道橋亦自紀其所歷也

羅浮山最深處爲酥醪觀是安期生與神女會飲元碧酒
處觀中有樓是道人江瀛濤所建黃香石培芳浮山小志
云羅浮山中妙精構惟酥醪觀中二小樓殊擅幽勝余題



爲浮山第一樓並題聯云萬壑烟雲浮檻出半天松竹拂窗來昔楊大司馬應琚讀書洞中恒樓居署曰小樓容我靜大地任人忙並足識也

嘉慶甲子典山尊張石蘭典試粵西揭曉後百菊溪中丞觴之七星巖席次中丞曰此間不可無一楹帖因口占一句云地有七星鄰北斗請二君屬對山尊衡口而應云人如二客伴東坡中丞大爲擊節因製聯懸在七星巖壁立亭中後署山尊名近聞聯已不存粵人亦無有知其終起者林少穆爲余述之如此

獨秀峰爲桂林主山顏延年守郡時賦詩云未若獨秀者巖巖郭邑間山因以名然此語但見唐人鄭叔齊所作獨秀山新開石室記而顏遺集中未見此詩也山麓有讀書巖范石湖謂有便房石榻石牖如環堵之室顏延年讀書其中似唐以前府治卽在是宋元祐中郡守孫覽構五詠堂鐫五君詠於石今遺址皆不可考余於道光戊戌冬始與徐案商復五詠堂而以家藏黃山谷先生所書五君詠墨蹟勒石堂壁不兩月而規撫大具頭成壯觀因撰一聯云得地領羣峰目極舜洞堯山而外登堂懷往詠人在鵬



中国国家图书馆
NATIONAL LIBRARY OF CHINA

軒鳳舉之中

獨秀峰中磨厓詩字如林以唐人鄭叔齊石室記及王簡題名爲最古余因五詠堂之北復添一廳事同人索書楹帖復撰一聯云勝地如畫圖是賢守遺區雄藩舊館前明入時

江王

靈山託文字有叔齊作記子簡題名

獨秀峰下有月牙池冬夏不涸峰影皆倒浸其中巖崖若赤雅所謂山翠盡落者也峰畔有磨厓南天一柱四大字極雄健蓋用唐人張固擎天一柱在南州詩語余小度三詠堂聯云異代景前修想石梯攤書竹林懷友新堂題舊

觀對半潭秋水一柱奇峰又集孟浩然張謂句一聯云月外一峰秀窗前萬木低堂成後將一年王字遠方伯惟誠

始到補題一聯云造物本無私移來檻外烟雲適開勝境會心原不遠就此眼前山水猶見古人頃下竹辰方伯士

雲

亦寄一聯云光祿詩文節書大府來時開勝境王公冕

將軍畫名山何日得重遊蓋堂初建時方伯適奉命都

轉長蘆故次聯云爾又卞雅堂觀察

賦

聯云勝境重開詩

采書聲延古趣生機最樂雀喧魚戲助天和跋云獨秀峰下有顏光祿讀書舊址歲已亥茵林中丞規度其地卽起



垣宇刻五君詠壁間暇則集同人於此作放生樂事因聯語並識之三聯今並鐫堂柱

桂林城北仙李園中多栗樹故俗呼爲板栗園前明爲靖藩別業今爲李芸甫水部所得仍名李園園中巖洞之勝爲桂郡一大觀余屢觴詠其中所見楹聯不一記其尤佳者大門聯云一帶林塘詩境界四時花果隱生涯傳是周山茨升桓所撰簪碧堂中舊聯云北院喜新成有寒碧千層遠青一角東君如舊識正庭槐垂陰梁燕將雛爲商賈意盤所題芸甫新於水竹佳處築一茆亭以供道暑自題

聯云乍來頗遠塵囂靜聽水聲真活潑久坐莫嫌荒僻飽看山色自清涼有鏡亭在水中中央旁有舟曰恰受航余爲集韓杜句云灌池纔深四五丈野航恰受兩三人

滇南黑龍潭距省垣二十里古稱名勝碩處題聯云兩樹梅花一潭水四時烟雨半山雲有薛爾望者昆明諸生明末偕妻妾子女七人同盡節於潭內後人哀之爲立大塚於潭旁建亭題聯云寒潭千載潔玉骨一堆香

滇中華庭寺亦勝跡也有楊升菴讀題聯云一水抱城西烟靄有無挂杖僧歸蒼茫外羣峰朝閣下雨晴濃淡倚欄



人在畫圖中

滇南省垣海心亭頗饒勝致黃星巖

奎光

題聯云有亭翼

然占綠水十分之一何時閒了與明月對飲而三

勝地壯觀必有長聯始稱然不過二三十餘字而止惟雲

南省城附郭大觀樓一楹帖多至一百七十餘言傳誦海

內雖一縱一橫其氣足以舉之究未免冗長之譏也句云

五百里滇池奔來眼底披襟岸幘喜茫茫空濶無邊看東

驤神駿西翥靈儀北走蜿蜒南翔縞素高人韻士何妨選

勝登臨趁嶺嶼螺洲梳裹就風鬟霧鬢更蘋天葦地點綴

些翠羽丹霞莫孤負四圍香稻萬頃晴沙九夏芙蓉三春

楊柳數千年往事注到心頭把酒凌虛嘆滾滾英雄誰

在想漢習樓船唐標鐵柱宋揮玉斧元跨革囊偉烈豐功

費盡移山心力儘珠簾畫棟卷不及暮雨朝雲便斷續殘

碑都付與蒼烟落照只贏得幾杵疎鐘半江漁火兩行秋

鴈一枕清霜按上聯之神駿指金馬靈儀指碧雞蜿蜒

指蛇山縞素指鶴山皆滇中實境然用替字反嫌凝點且

以縞素爲鶴亦似未安聯句爲康熙中邑人孫崑所題聯

字爲陸樹堂所書聞阮芸臺先生督滇時曾改竄數字另



中国国家图书馆
NATIONAL LIBRARY OF CHINA

製聯板懸之而彼都人士嘖有煩言旋復撤去近先生以
改本寄示因並錄於右以質觀者 五百里滇池奔來眼
底憑欄向遠喜茫茫波浪無邊看東驤金馬西翥碧雞北
倚盤龍南馴寶象高人韻士惜拋流水光陰趁蠅螟螺洲
觀將起蒼崖翠壁更蘋天葦地早收回薄霧殘霞莫辜負
四圍香稻萬頃鷗沙九夏芙蓉三春楊柳 數千年往事
注到心頭把酒凌虛嘆滾滾英雄誰在想漢習樓船唐標
鐵柱宋揮玉斧元跨草薺纍長蒙酋費盡移山氣力儘球
簾畫棟捲不及暮雨朝雲便薛碣苔碑都付與荒烟落照

祇贏得幾杵疎鐘半江漁火兩行鴻鴈一片滄桑

貴州省城北關外有頭橋爲往來迎送之區有聯云說一
聲去也送別河頭歎萬里長驅過橋便八天涯路盼今日
歸哉迎來道左喜故人見面握手還疑夢裏身

揚州各勝蹟楹聯多集晉宋及唐人詩句蓋盧雅而都轉

見會屬金榜亭博士 兆燕 爲之備載於李艾塘 揚州畫

舫錄中今擇其佳者列之於左

揚州城北自慧因寺至虹橋凡三段一爲城闌清梵一爲
卷石洞天一爲西園曲水慧因寺外爲香惺亭四面皆木



握聯云潭影竹間動

蒸丹

花香雲外飄

宋之

河邊有船房

額曰南漪聯云紫閣丹樓紛熠燿

王勃

桃溪柳陌好經過

稍高處爲棲鶴亭其西廳事額曰綠楊城郭聯云城邊柳

色向橋晚

溫庭

樓上花枝拂座紅

趙

暇過此爲勾園聯云移

花得蝶買石饒雲鄭板橋所書

卷石洞天在城闔清梵之後卽古郎園地今歸洪氏入呼

爲小洪園初八爲羣玉山房聯云漁浦浪花搖素壁

司空曙

玉峰晴色上朱欄

李羣玉

沿河可入薜蘿水榭聯云雲生砌

戶衣裳潤

白居易

風帶潮聲枕簟涼

水榭之後爲契秋閣

聯云渚花張素錦

杜甫

月桂朗冲襟

房聯云水石有餘態

劉長卿

鳬鷖亦好音

張九齡

西園曲水卽古之西園茶肆後歸汪氏中有濯清堂聯云

十分春水雙檐影

徐寅

百葉蓮花七里香

李

有新月樓聯云

蝶銜紅蕊蜂銜粉

高

露似珍珠月似弓

白居易

又有水明樓

聯云盈手水光寒

李益

不潯

王

八簾花氣

莫難忘

元崔伯亨花園後爲洪氏別墅洪氏有二園虹橋修禊爲

大洪園卷石洞天爲小洪園虹橋爲王文簡賦治春處後

盧轉運復修禊於此北郊佳麗推此爲最乾隆間



中国国家图书馆
NATIONAL LIBRARY OF CHINA

賜名倚虹園中有妙遠堂聯云河邊淑氣迎芳草孫城上

春陰覆苑牆杜其有爲饒春堂聯云鶯啼燕語芳菲節毛

震蝶影蜂聲爛漫時李

小洪園中有淞波華館挹八湖心清空一片聯云瀾道餘

寒歷冰雪杜浪花無際似瀟湘溫其右數折爲小江潭

聯云竹室生虛白陳波瀾動遠空王

治春詩社在虹橋西所臨水次爲懷仙館聯云白雲明月

偏相識華行酒賦詩樂未央杜水樹間爲秋思山房聯云

天氣涵竹氣張山光滿湖光馬其後爲槐蔭廳聯云小院

迴廊春寂寂杜未闌芳草綠纖纖劉最後爲橋西草堂聯

云綠竹漫侵行徑裏劉飛花故落舞筵前蘇其後有亭

曰雲構聯云山雨博仍在杜亭香草不凡張

荷浦香風在虹橋東畔一名江園乾隆間

賜名淨香園中爲清華堂正臨水際聯云芰荷疊疊謝

運水木湛清華謝其後爲綠楊灣聯云金塘柳色前溪曲

溫庭玉洞桃花萬樹春許門外爲春禊亭聯云柳占三春

色溫庭荷香四座風劉

園之左有翠玲龍館其旁爲蓬壺影聯云碧瓦朱甍照城



中国国家图书馆
NATIONAL LIBRARY OF CHINA

郭壯甫穿池疊石寫蓬壺常元又其後爲江山四望樓聯云

山紅澗碧紛爛漫韓愈竹軒蘭砌共清虛李咸用其左爲涵虛

閣聯云圓潭寫溪月孫華岬上春潮清閣後爲浣香樓聯

云谷靜秋泉響孟浩樓深複道通宋

四橋烟雨一名黃園黃氏別墅也乾隆間

賜名趣園園中有錦鏡閣三間閣之西有小屋三間顏曰

竹間水際聯云樹影悠悠花悄悄曹晴雲漠漠柳毵毵曹

閣之東有四照軒聯云九霄香透金莖露于武八月涼生

玉宇秋曹軒之後爲連漪閣聯云紫閣丹樓紛照耀王修

篁灌水勢交加方連漪閣之北有廳事二一曰澄碧堂聯

云湖光似鏡雲霞熱黃松氣如秋枕簟涼何士一曰光霽

堂聯云千重碧樹鎖青苑韋四面朱樓卷畫簾杜牧

黃園竟處有吹香草堂聯云層軒靜華月蘇光修竹引薰

風韋安其後爲春水廊水局極寬處也聯云夾路濃華千

樹發趙彥一渠流水兩家分項殤有蓮花橋橋邊有勝概

樓聯云奇石盡含千古秀羅春光欲上萬年枝錢

虹橋之西岬爲吳氏別墅其北有躋紅閣先爲酒家後改

官園仍令園丁賣酒爲業有聯云地偏山水秀劉禹酒綠



中国国家图书馆
NATIONAL LIBRARY OF CHINA

河橋春

李正封

長隄春柳卽在虹橋之西隄畔有濃陰草堂聯云秋水纔

添四五尺

杜甫

綠陰相間兩三家

司空圖

又過曲廊三四折盡

處有小屋如丁字謂之丁頭屋聯云綠竹夾清水

江淹游魚

動圓波

潘安仁

北郊之白桃花以東岫江園爲勝紅桃花以西岫桃花塢

爲勝桃花塢之比鄰有曉烟亭聯云佳氣溢芳甸

趙孟頫宿

雲澹野川

元好問

曙光樓面東以曉色爲勝城中人每於夏月侵曉出城看

露荷聯云問津窺彼岫

蘇軾

把釣待秋風

杜甫

韓園在長隄上國初韓醉白別墅也園中築小山亭聯云

茂竹臨幽漱

李益

晴雲出翠微

崔德輿

桃花塢額係石刻內構廳事曰疏峰館有集韋莊聯句云

千重碧樹籠青苑一桁青山倒碧峰館之西有方塘種荷

四旁幽竹蒙翳構響廊度板架水上爲澄鮮閣聯云隔沼

連荷菱

杜甫

中流泛羽觴

陳希烈

山半桃花每春時紅白相間花叢中有蒸霞堂聯云桃花

飛綠水

李白

野竹上青霄

杜甫

又有縱目亭聯云地勝林亭好



中国国家图书馆
NATIONAL LIBRARY OF CHINA

楹聯叢話卷七

孫月圓松竹深無可又有中川亭四面皆山中聳重屋聯云

小松含瑞露鄭好鳥鳴高枝曹植

梅嶺卽長春嶺在保障湖中由蜀岡中峰出脈者也嶺多

梅樹故有梅嶺春深之目郡人程元恒志銓築是嶺三年

不成費至二十萬後夢閔帝示以度地之法旬日而竣因

構閔帝廟廟右爲嶺上草堂全湖在望聯云碧落青山颺

古韻杜牧綠波春浪滿前陂韋莊又其右一亭依麓額曰釣渚

聯云浩歌向蘭渚徐彥伯把釣待秋風杜甫

東園卽賀園舊址中有春雨堂張文敏照聯云萬樹琪花

千圓藥一莊修竹半床書又鄭谷口孟聯云烟雲送客歸

瑤水山水分香繞閨風又江昱江恂聯云近水樓臺開楚

宇平山欄檻倚晴空春雨堂之北爲菱花亭聯云苔色侵

衣桁李嘉祐荷香入水亭周鼎亭之北爲夕陽雙寺樓聯云玉

沙瑤草連溪碧曹唐石路流泉雨寺分白居易

夕陽雙寺樓之西爲雲山閣雍正間賀吳邨君名所建本

宋陳升之呂公著舊址今就其地重建並因其舊名吳邨

自爲聯云供桑梓謳吟幾處亭臺成小築快春秋游覽一

隅邨登是新開又聯云水曲山如畫羅鄴溪虛雲倚花杜甫又



龔半千

聯云定有生寂磬空翠滴疎櫺又魏瓜圃

嘉瑛

聯云檻前春色長隄柳閣外秋聲蜀嶺松吾鄉劉鄰初敬

與亦有聯云苑轉通幽處玲瓏得曠觀

賀園始於雍正而對薇亭則乾隆間所增建吳邨題聯云

夜月橋邊留畫舫春風陌上引香車又汪文端聯云當階

瑞色新紅藥臨水文光淨綠天吳邨又題踏葉廊聯云三

山入望松筠在雙樹無言水月新又褚空山

嶮

聯云幾處

好山供客座一川寒月淨塵襟

東園領爲王覺斯所題又題芙蓉洗聯云花間魚艇遠水

外寺鐘微松文恭

瑞

聯云一片芙蓉新出水千層芳草遠

浮山又程午橋

夢星

題醉烟亭聯云隄畔鶯花橋畔月竹

邊歌吹柳邊舟董玉虬

文驥

亦用李雲書句作聯云半在

山隈半水溪亦如石屋亦濠梁

董彤菴

權文

嘗守廣陵題駕鶴樓聯云竹裏登樓風引三

山不去花間看月溪流四序如春又潘松谷

偉

聯云樓臺

突兀排青嶂鐘磬虛徐下白雲又王護澤

承先

聯云灣過

萊蕪松竹三霄水碧階翻雲葉亭臺四序天香

駕鶴樓之旁爲杏軒震澤沈廣文

以

聯云檻外山光歷春

盈餘養舌

卷七

七



中国国家图书馆
NATIONAL LIBRARY OF CHINA

夏秋冬萬千變幻都非凡境窗中雲影任東西南北去來
淡蕩洵是仙居

李勉以詩畫擅名與李繡同時居揚州稱二李題疑翠軒
聯云終古招邀山色遠幾人愛惜月明多又梁開山賦書
邵康節旬於疑翠軒云雨後靜觀山意思風前閑看月精
神按疑翠軒扁爲文三橋書又有祝枝山四面有山皆入
畫一年無日不看花一聯皆真蹟也

九峰園在揚州城南中有深柳讀書堂聯云會須上番看
花竹杜漸疑清陰到畫堂詩堂後數折爲穀雨軒聯云曉

豔遠分金掌露

詩

夜風寒結玉壺冰

詩

軒有延月室聯

云開簾見新月

詩

倚樹聽流泉

詩

其東南爲玉玲瓏館聯

云北榭遠峰閒卽望

詩

南園春色正相宜

詩

其旁爲雨花

菴門外嵌石刻曰硯池染翰聯云高樹夕陽連古巷詩小

橋流水接平沙

詩

隄上有方亭額曰臨池聯云古調詩吟

山色裏

詩

野聲飛入硯池中

詩

亭旁有小廳額曰一片

南湖聯云層軒皆畫水

詩

芳樹曲迴春

餘楹額曰烟渚吟廊聯云階墀近洲渚

詩

亭院有烟霞

其東斜廊直入水閣額曰風漪聯云隔岫春雲邀翰墨

盈諸義活

卷七



中国国家图书馆
NATIONAL LIBRARY OF CHINA

繞城波色動樓臺

溫庭

再進爲海桐書屋聯云峭壁削成

開畫障

吳融

垂楊深處有人家

盧綸

郡城以園勝康熙間有八家花園所謂八座名園如畫卷是也十園在小金山後卽八園之一舊有王漁洋聯云梅花嶺畔三山月宵市樓頭一草堂畢園亦在小金山後用竹籬圍大樹數十株廳事顏曰柳暗花明村舍方西疇聯云洗桐拭竹倪元鎮較雨量晴唐子西

蜀岡之東自乾隆二十二年開蓮花埂新河兩岫皆構名園北岫有奇峰刻白塔晴雲四字前有高屋三間名曰桂

岫

李

後爲花南水北之堂堂右爲積翠軒堂聯云別業臨

青甸

李

前軒枕大河軒聯云疊石通溪水聯當軒暗綠

筠

劉

其前爲半青閣聯云纔見早春鶯出谷莊更逢晴日

柳含烟

蘇軾

題

園中植芍藥處名爲芍藥廳後於石隙種蘭名爲蘭渚渚

上築室三間聯云名園依綠水

村

仙塔儼雲莊

馬懷書

過此

竹勢始大有小室在竹中爲蒼筤館聯云竹高鳴翡翠

溪暖戲鴛鴦

劉長卿

題

春夏之交草木際天中有屋數椽爲林香草堂聯云歌繞



夜梁珠苑轉

羅隱

山連河水碧氤氳

陳上美

堂之西有小亭爲

歸雲別館聯云小院迴廊春寂寂

杜甫

碧桃紅杏水潺潺

亭之左爲望春樓樓前有

池池前高屋五楹露臺一方

全碧丹青陸離照耀額云小李將軍畫本爲王滿書聯云

萬井樓臺疑繡畫

張九齡

于家山郭靜朝暉

杜甫

白望春樓入夾河中有高屋數十間爲花潭竹嶼聯云天

上碧桃和露種

高蟾

前荷葉與橋齊

張萬頃

其右爲靜香書

屋聯云飛塔雲霄半

劉憲

書齋竹樹中

李願

再進卽如意門中

有清妍堂聯云露氣暗連青桂苑

李商隱

春風新長紫蘭芽

白居易

堂之後爲時玉居有集杜聯云山月映石室春星帶

草堂又有閑風堂聯云紅桃綠柳垂簷向

王維

碧玉青苔滿

樹陰

李端

又有碧雲樓聯云烟閑翠幌清風曉

許渾

春書長

溫庭筠

萊竹軒居蜀岡之麓結竹爲之四圍皆竹蓋仿王元之竹

樓遺意聯云竹動疎簾影

盧綸

花明綺陌

王維

外爲藤花

棚長里許中爲藤花書屋聯云雲遮日影藤蘿合

韓偓

湖聲枕簟涼

許渾

書屋之北爲清遠堂聯云窗含遠色通畫

幌

李賀

雲帶東風洗畫屏

許渾

微波峽在兩山中波路夾轉東山稱微波館聯云川源通

霽色

皇甫冉

楊柳散和風

韋應物

蜀岡之西由法海橋內河出口爲扇面廳廳後有石門通

含珠堂聯云野香襲荷芰

皎然

池色似瀟湘

許渾

池長十餘丈

與新河僅隔一隄池上爲環翠樓聯云冉冉修篁依戶牖

何瞳瞳

薛稷

池高於河隄上築花籬爲疏櫺間

之使水氣相通上置方屋爲玲瓏花界聯云花柳含丹日

不之

盧照鄰

樓臺繞曲池

杜詩

熙春臺在新河曲處與蓮花橋相

對聯云碧瓦朱甍照城郭

劉禹錫

上一

層額曰五雲多處聯云百尺金梯倚銀漢

李賀

九天鈞樂奏

雲韶註臺後卽爲廿四橋矣

三賢祠卽篠園乾隆乙亥園就圯盧雅雨與程午橋葺而

治之祀歐陽文忠公蘇文忠公及國朝王文簡公復建

仰止樓以夕陽雙寺外春水五塘西舊聯懸之顧南原

謫

隸書也旁有蘇亭額爲鄭板橋書盧雅雨自製聯云良

辰盡爲官忙得一刻餘閒好誦史繙經別開生面傳舍原

非我有但雨番視事也栽花種竹權當家園按今之翠霞

軒卽三賢祠舊殿亦是祠建於康熙間本祠韓魏公及歐



中国国家图书馆
NATIONAL LIBRARY OF CHINA

陽公太守刁公王公蘇文忠公於平山堂之眞賞樓以

國朝司理王文簡公太守金公刑部汪公爲配後居民有

祀歐蘇二公及司理王公三賢之請其時胡庶子澗督學

江南爲文簡門士遂有是議至盧雅雨始行之而諸賢從

祧後地歸汪姓人稱爲江園又撤三賢神主於桃花庵以

殿爲園中廳事今桃花庵之神主又經更易非其舊矣

桃花庵之後爲飛霞樓聯云四野綠雲籠稼穡杜荀鶴九春

風景足林泉薛稷樓之左爲見悟堂聯云花藥繞方丈常建清

流湧主隅元結樓之後爲桐軒是軒本祀歐蘇王三賢神主

盧雅雨聯云一代兩文忠到處風流標勝蹟三賢同俎豆

何人尙友似先生又鄭板橋聯云遺韻滿江淮二家一律

愛才如性命異世同心其旁植牡丹百本構翠霞軒聯云

日映文章霞細麗元稹山張屏障綠參差白居易

蜀岡朝旭李氏別墅也中有來春堂聯云片片彩霞迎旭

日楊巨源萬條金線帶春烟施肩吾其東爲曠如亭亭外水中

有雙流舫聯云重檐交密樹王勃隔岸上春潮清江過此爲高

詠樓本蘇文忠公題西江月處周以垂柳幕廬避暑最宜

樓後築屋十餘楹如弓字一曰含青室聯云日交當戶樹



華花繞傍池山祖詠一曰眺聽烟霞軒聯云松排山回千重

翠白居易曰較人間一倍長陸龜蒙一曰承露軒聯云池塘月

撼芙蓉浪方千羅綺晴嬌綠水洲孟浩然一曰青桂山房聯云

從此不知蘭麝貴裴思兼相期共闢管絃來孟浩然

萬松疊翠在微波峽西一名吳園廳事後多桂又築柱露

山房聯云迴風入座飄歌扇李邕冷露無聲落桂花王建前有

小屋三間顏曰春流畫舫聯云仙扉傍巖壑皮日休小檻俯

澄鮮張昞又清陰堂聯云風生北渚烟波闊權德輿雨歇南樓

積翠來李澄清陰堂之左爲曠觀樓凡十二間如弓字聯云

樹草青無際周同溪山畫不如杜又涵清閣聯云雲林頗

重疊賈島池館亦清閒白居易

西畔矮屋比擲名爲倉房聯云殿庑千箱在薛存誠芳華二

月初趙冬曦其前爲報豐祠聯云息饗報嘉瑞顏延年膏澤多

豐年曹植祠外戲臺聯云川原通霽色皇甫冉簫鼓賽田神王維

杏花村舍中有浴蠶房聯云金屋瑤篴開寶勝崔日用小橋

流水接香澗白居易其西爲分箔房聯云樹影悠悠花悄悄唐

羅衫葉葉繡重重王建

蜀岡諸山之水宜洩歸河大起樓南以池分之千絲萬縷



五色陸離皆從此出謂之練池池之東爲染色房聯云染

就江南春水色

白居易

結成羅帳連心花

青

池之西爲練絲

房經絲房聯云軟縠疏羅共蕭屑

溫庭

霏紅沓翠晚氤氲

孟浩

然又聽機樓聯云繡戶夜攢紅燭市境縹絲聲隔竹籬

間斯對岫有豔雪亭聯云楊柳風來潮才落

趙

梧桐葉下

鴈初飛

杜牧

蜀圖下陂池爲得勝湖程氏種荷處築水樓三楹額曰菱

荷深處聯云山翠萬重當檻出

許

白蓮千朵照廊明

韓

逢又

有遠帆亭聯云稼收平野闊

杜

風正一帆懸

王

亭有有臺

葉許渾句爲聯云朱閣簾涼疏雨過遠山雲晚翠光來

蜀祠中東兩峰之間有瀑布築聽泉樓聯云風生碧澗魚

龍躍

曹

月照青山松栢香

盧

綸環綠閣在石隙中聯云碧樹

鎖金谷

柳宗

遙天倚翠岑

韋

芳有露香亭聯云澤蘭侵小

徑

王勃

流水響空山

法振

余過廣陵游蜀岡甚草上所有榜聯皆未暇省記祇從畫

舫錄中擇其尤雅者按地編列其畫舫錄所未及載者惟

平山堂伊墨卿太守一聯云過江諸山到此堂下太守之

宴與眾賓歡語特壯偉至今不忘時墨卿正守揚州也近



閱桃符綴語又載一聯云幾堆江上畫圖山繁華自昔試
看奢如大業令人訕笑令人悲涼應有些逸興雅懷纔領
得廿四橋頭簫聲月色一派竹西歌吹路傳誦於今必須
才似廬陵方可遨遊方可嘯詠切莫把穠花濁酒便當大
一翁後餘韻流風稍覺詞費矣

揚州有文選巷其南爲文選樓考古者以爲卽曹憲之故
宅憲與魏模公孫羅等同注文選樓卽其故址也今樓中
但奉昭明栗主實誤昭明文選樓之不在揚州觀唐人李
頎送皇甫曾游襄陽詩云元凱春秋傳昭明友選樓之句

可見阮芸臺先生於文選巷之西建家廟又別構樓以藏
圖書額曰隋文選樓爲之記伊墨卿題一聯云七錄舊家
宗熟六朝古巷選樓

揚州永濟寺有詩僧題聯云江水滔上洗盡千秋人物看
間雲野鶴萬念都空說甚麼晉代衣冠吳宮花草天風浩
上吹開大地塵氛倚片石危欄一關獨閉更何須故人祿
米鄰舍園蔬

嚴秋槎藥欄詩話載揚州某氏園戲臺對聯云坐客爲誰
聽二分明月簫聲依稀杜牧主人休問有一管春風詞筆



點綴揚州然則此賢主人也惜不著其名卞竹辰都轉云
記得是江都貢生李澄所撰

海州之雲臺山卽山海經之郁州余以理蝗經山下而未
暇登陟陶雲汀宮保按部朐陽陟其巔撰聯語極壯麗云
海甸湧名山烟複雲回位業真靈參五嶽洞天開福地陽
舒陰善馨香瑞應啓三元又題山中關帝廟聯云義氣干
霄近指白雲開覺路威聲走海遙憑赤手挽洪流又題九
龍將軍廟云倚樹論功名爽賴流聲清澗壑在田占利用
甘膏灑潤普桑麻按山中舊有常建題聯云世外憑臨

一面峰巒三而海雲中結構二分人力八分天

陶宮保云其鄉資江南岫裴公亭有郭頑石題聯云代裴
公稱一日主人風月江山與此老平分千古到石上問三
生舊跡宰官仙佛想當年定許重來

福州鼓山唎水岬之側削壁深澗中有磨崖大字一聯云
爵比郭令公厯中書二十四考壽同廣成子住崆峒千三
百年字勢雄偉每字高寬將及二尺余嘗揭得一紙竟無
懸挂之處按吳炯五總志云李義山嘗謂溫飛卿曰近得
一聯遠比邵公三十六年宰輔未得偶句溫應聲曰何不



云近同郭令二十四考中書記得宋人亦以二十四考中書令對萬八千戶冠軍侯爲巧此則以神仙對富貴語更闊大矣

福州鼓山之湧泉寺建自唐時蔚然名利而楹聯多彼氏家言茲錄其稍雅者如山門彌勒座聯云日日攜空布袋少米無錢却剩得大肚寬腸不知衆檀越信心時用何物供養年年坐冷山門接張待李總見他歡天喜地請問這頭陀得意處是甚麼來由法堂聯云於一毫端現寶王刹坐微塵裏轉大法輪齋堂聯云五夜工夫鐵脊梁將勤補

拙一時粥飯金剛骨易食難消

福州小西湖東偏開化寺倚城臨水擅湖壩之勝黃莘田先生集句聯云桑柘幾家湖上社芙蓉十里水邊城最爲雅切自然

余嘗再游武夷山徧歷寺觀而未得一佳聯惟天游峰前之一覽臺楹柱有遺世獨立與天爲徒一聯頗與現景相稱又小桃源徑口有石門兩刻鐫一集句聯云喜無樵子復看弈怕有漁郎來問津皆忘却何人所撰隨園詩話載一覽臺庭柱有毛大周聯云世間有石皆奴僕天下無山



可弟兄則未之見也

邵武郡城中詩話樓祀嚴滄浪先生嚴本邵產也朱幼芝郡丞

景英

聯云千秋大雅扶輪手一片寒泉薦菊心葉筠

潭學使聯云百代詩材歸品藻千秋傑閣傍溪山皆隲貼然不若朱竹君先生一聯云隱釣風分七里瀨品詩意到六朝入雅切其姓且老氣紛披也

松蘿叢話卷之八

格言

福州梁章鉅輯

章鉅少承庭訓先資政公每作書必爲章鉅講明其義嘗自署書室曰四勿齋謂無益之念勿起無益之事勿爲無益之言勿說無益之物勿食也每爲人書楹帖必用格言謂章鉅曰人來乞書而不以格言應之卽所謂無益之事也一日與先伯父奉直公爲人分書楹帖先伯父書一聯云欲知世味須嘗膽不識人情只看花公亦書一聯云非



關因果方爲善。不計科名始讀書。呼章鉅語之曰汝知此。兩聯意義之深厚乎。汝伯父所書乃涉世良方。我所書乃白修要旨也。終身用之不盡矣。

通行楹帖有云謙卦六爻皆吉。恕字終身可行。先資政公最喜述之。謂章鉅曰。此是經訓。非僅楹聯而已。又集四書語示章鉅曰。敏則有功。公則說。淡而不厭。簡而文。此兩語學古服官淑身涉世皆宜。亦可當座右銘也。

余髫齡卽受業於孟瓶菴師。走然之門。師由吏部郎乞養歸里。時年方四十。掌鰲峰講席十餘年。終老於家宅。後有

亦園亭爲讀書靜坐之地。日以懲念室欲自課製楹聯云。談性命則先賢之說已多。何似求之踐履。學考訂則就衰之年無及。不如返諸身心。

七修類稿云。宏治間吏部尙書三原王公恕署門曰。仕於

朝者以饋遺及門爲恥。仕於外者以苞苴入都爲羞。嘉靖間藩司參議揚州錢公鼎亦自撰一聯。使所屬衙門皆帖

焉。句云。寬一分民受一分見祐。鬼神要一文不值。一文難欺。吏卒主之。家宰近世難及。而錢忤當道不久去。余謂二對近人不知前乃真西山奏疏後亦古語也。惜忘之。



楊文貞上奇有子爲橫於鄉有密友自楚中來者每述其惡歎文貞常戒之一日書一聯示之曰不畏官司干狀紙只怕鄉民三寸刀毫不知改後卒以事伏法人謂文貞此聯可爲巨族藥石

呂新吾先生有銓署楹帖云直者無庸我力枉者我無庸力何敢貪天之功恩則以奸爲賢怨則以賢爲奸豈能逃鬼之責又公署楹帖云青天下鑒此心敢不光明正直赤子來游吾腹願言豈弟慈祥附見呻吟語治道門

茶餘客話云申臬盟

涵光

自見蘇門先生後大書於門口

真理學從五倫做起大文章自六經分來又題書室聯云學古之心未衰每日必擁書早起于世之心已絕無夕不飲酒高歌觀此則飲酒高歌正非易易矣

桂林府之秀峰書院爲嶺西人文萃集之區乾隆間武緣

劉靈溪太史

定道

聯云於三綱五常內力盡一分就算一

分真事業向六經四子中尙論千古纔識千古大文章呂月滄山長稱之余謂此卽從申臬盟真理學從五倫做起太文章自六經分來二語衍而暢之耳

吾聞之鰲峰書院有林青圃先生題聯云反已有真修須



留神檢到心身界上加工無別法務著力打開義利關頭
雅似先儒諸錄

王少湖

敬臣

云有一先輩揭十字文爲齋室聯楹而各加
注焉周談彼短之下注云我亦有短摩特已長之下注云
人各有長此語吾人皆當服膺也

湯文正公答沈荏岸書云李文節宣旨翰林官能壞人衙
門冷則易荷體面則易好傲無政事則易懶無風波則易
放署中堂聯云人重官非官重人德勝才毋才勝德真座
有銘也

魏敏果公

象樞

由左僉都御史洊升戶部侍郎一歲五遷
愈用整飭自題一聯云欺人如欺天毋自欺也負民即負
國何忍負之載年譜中

柳南隨筆云無錫杜紫綸太史

詔

由詞館假歸二十年林

居游名山殆徧乾隆丙辰游西湖歸作一絕句授其子曰

此卽我遺令也未半月以微疾終詩云半生空自逐浮華

放浪湖山亦大差分付兒曹無別語讀書爲善做人家卒

之前三日爲其七十誕辰張賓廳事大書一聯榜於桂出

句爲教子課孫完我分對句卽用所作詩結語云



隨園詩話補遺載或題書齋聯云無求便是安心法不飽
填爲卻病方又過潤州時見僧壁聯云要除煩惱須成佛
各有來因莫羨人又過九華寺見一聯云非名山不留仙
住是真佛只說家常亦彼法中之格言也

武進趙泰毅公申喬論學以不欺爲本官浙藩時自署堂

聯云君不可負只是心難負負心者不容於堯舜天不可
欺誰言人易欺欺人者如見其肺肝又湖南院署聯云但
願民安若堵何妨署冷如水

姚雪門頤督學湖南時自題使院云勸他人便虧自己須

記朝龔暮盛我亦寒士要公道還要虛心試看晚蘭畝蕙
楚故有材又聯云才要真愛名要略愛總之己要自愛天
不可欺君不敢欺實於心不忍欺吳樸堂省蘭亦督學湖

南有聯云畏簡書並畏人言常以無欺盟夙夜正文風先
正士習惟將有恥最膠庠吉聞沈心齋湖學使一聯云爾
無文字當受命我有兒孫要讀書簡而有味翁覃溪師督
學山左時亦錄此十四字懸於堂楹並爲之跋云

江南各州縣廳事多同一楹聯據王朗川言行彙纂乃王
玉池令金鄉時所作句云眼前百姓卽兒孫莫言百姓可



欺當留下兒孫地步堂上一官稱父母漫說一官易做還
盡些父母恩情語實意真妙在人人其曉若堅執集所載
胡可臬知蘇州揭一聯于門外云相面者算命者打抽豐
者各請免見撐廳者鋪堂者撞太歲者俱聽訪拿則未免
村氣太甚矣

余初歷外任卽守荊州嘗於廳事漫題一聯云政惟求於
民便事皆可與人言石曉田郡丞照逢人述之未及一年
擢淮海鹽司實莞河防非所習也因題廳事云到此真成
以政學相逢但願由中行萬廉山郡丞承純亦亟稱之

金德山中丞相粵西藩任時作宮廳對聯云坐此似同舟
宦情彼此關休戚須臾參大府公事何妨其酌商用意深
厚有名臣風味余至粵西訪其聯已不可得矣中丞復誦
其鄉人徐公士林作臬司題庭柱云看階前草錄蒼苔無
非生意聽牆外鴉啼鵲噪恐有冤魂亦仁人之言若宋牧
仲題豫章署齋云雲白峰青煥發廬山真面目蛟騰鳳起
屹揚滕閣舊風流詞雖美而意近夸矣

李泰毅公湖任通永觀察時題廳事一聯云人苦不自知
願諸君勤攻吾短弊去其大甚與爾輩率由舊章



聞廣州郡守署中一聯云不要錢原非異事太要好亦是私心此所謂深人無淺語也惜忘卻何人所撰

陳最峰

景登

牧晉州自題廳事云頭上有青天作事須循

天理眼前肯痛地存心不刮地皮蔣南莊守潁州自題廳事云人原是俗非關吏仕豈能優且讀書陳子爛尹來賓亦自題廳事云事出於公諺公何妨至室吏原非俗我輩還要讀書皆直樸有味

余小雲題佐雜官廳聯云此間只可談風月相對何須問主賓渾成典切於佐官廳尤有味

甘肅藩署官廳有聯湘林集經語聯云有孚在道明功也同寅協恭和衷哉

桂林撫署二堂有同年趙文恪公

慎珍

聯云爲政不在多

言須息息從省身克己而出當官務持大體思事事皆民生國計所關文恪出桂林擢督吾閩雨地皆有遺愛至今頌聲不衰讀其楹聯堪信其言行相顧也

桂林撫署小廳中有百文敏公聯板云行所當行不爲己甚愼之又愼未敢卽妄跋云此庚申歲卽古人語以自勗者余自京尹出膺外吏所至不一載必有遷除以故潯南



浙右黔嶺滇池次第轉徙履任之暇卽手書榜諸檄間以爲座右之銘去冬於五華薇署甫刻此聯異日而拜粵西之命涉歷愈深策惕愈甚請事斯語殆將終身以之爲封圻報稱也可以之爲密勿陳謨也可嘉慶甲子重書於桂林節署之懷清堂

程梓庭

祖洛

撫吳時於官齋中自書一聯云醴泉無源芝

草無穢人貴自立流水不腐戶樞不蠹民生在勤又一聯云無多事無廢事庶幾無事不徇情不矯情乃能得情

桂林呂月澹

晴

郡丞隨其父在戍所十五年始放歸咸進

士後觀政浙中初知慶元縣有大堂一聯云我也曾爲浼枉痛入心來敢綢繆忘了當日汝不必逞機謀爭個勝去看終久害著自家任奉化縣有二堂聯云民心卽在吾心信不易字敬爾公先慎爾獨國事常如家事力所能勉持其平還酌其通梁山舟先生贈聯云蒼生自是關吾分儒者真宜做此官

聞前明王文成公刑部所至必令二人肩二高腳牌前導大書云求通民情願聞已過議者以爲客氣不虛也吾友林少穆爲江蘇廉訪時嘗書此作大門楹聯是矣



余小霞乙庚筆記云州縣每遇命盜案出必有憲役陰喉
所獲之犯使供某某爲同盜則皆素封且愚懦可魚肉者
被供者率以賄免而役之素充焉謂之開花四川某尉署
中有自撰楹帖云若使子孫能結果除非盜賊不開花可
謂惠出一尉矣

吾鄉林青園先生應官中外亮節高風一宅數畝外臺臺
無餘余黃巷之舊居卽先生古宅也嘗自榜楹柱云庭餘
嘉陰室有藏書天下事隨處而安卽此是雕梁畫棟卜得
芳鄰居成美境

黃巷又名新美境

田舍翁問心已足漫言應列鼎

馬鍾

粵東黃翼堂

紹統

訓導石城學者稱仰山先生嘗自署楹

帖云爲倫類中所當行之事作天地間不可少之人

嘗見汪退谷先生書楹帖云汲水澆花亦思於物有濟掃
窗設几要在予心以安又梁山舟先生書楹帖云能受苦
方爲志士肯吃虧不是痴人

蔣心餘先生宅中大門聯云一代翰林風月手六朝蘭綺
謝王家聞是彭文勤公所贈句其廳堂各聯悉出先生所
撰皆格言也大廳聯云至樂莫過讀書至要莫如教子寡



智乃能習靜冥營乃可養生內堂聯云欣戚相同爲人莫
想歡娛歡娛卽是煩惱福命不大處世休辭勞苦勞苦乃
得安康餐室聯云富貴無常爾小子勿忘貧賤聖賢可學
我清門但讀詩書又聯云垂訓一無欺能安分者卽是敬
宗尊祖守身三自反曾喚醒者俱爲孝子賢孫

紀文達師曰門人耿守愚喜與人爭禮數常言士不貧賤
驕人則崖岬不至恐益爲人所賤余曰此田子方之言先
子已駁之卽就其說而論亦謂道德本重不以貧賤而自
屈非毫無道德但貧賤卽可驕人也先師陳曰崖先生嘗

手題一聯於書室曰事能知足心常逸人到無求品自高
斯真探不之論兩言可以千古矣

吳門故家廳堂有一聯云必孝友乃可傳家兄弟式好無
他卽外侮何由而入惟詩書常能裕後子孫見聞止此雖
中材不致爲非不知何人所撰訓詞深厚當家家揭於堂
楹余小霞自述其舊居廳事聯云兄弟睦家之肥子孫賢
族乃大義亦獨大

廣州香山書院聯云諸君到此何爲豈徒學問文章擅一
藝微長便算讀書種子在我所求亦恕不過子臣弟友盡



五倫本分其成名教中人

姚鐵松中丞守武昌時撰廳事聯云筆下留有餘地步胸中養無限天機蓋因舊句而改首二字也

石天基傳家寶中有一聯云言易招尤對朋友少說幾句書能益智勸兒孫多讀幾行真傳家寶也

相傳桂林陳文恭公自題其里第一聯云惜食惜衣非爲惜財緣惜福求名求利但須求己莫求人或云是武進劉文定公綸所撰然余嘗見梁山舟學士手書此對又云是文衡山語也

汪龍莊云余治刑名二十餘年行將從宦甥蘭啓將事請律請業於余因就贖昔所究心者書以代口題曰佐治藥言並撤寓齋中舊聯授之曰苦心未必天終負辣手須防人不堪可謂仁恕矣

彭文勤公少與蔣心餘同學有題書房舊聯云何物動人二月杏花八月桂有誰催我三更燈火五更雞今此聯熟於人口而不知其爲文勤所製也

丁自菴善慶督學粵西誨人必先器識而後文藝自撰一楹帖鏤板頒之庠序句云人生窮達豈能知趁早須立此

盈聯義話卷八



中国国家图书馆
NATIONAL LIBRARY OF CHINA

可爲聖賢可對帝天之志客告是非且莫管得聞要讀我
有益身心有關世道之書亦可爲士林鍼砭矣

嘗見那文毅師手書贈顧謁亭工部聯云應集入雲際所
向騁驕得路愼於平工部蓋以才自見者故勗之如此宜
途中客皆當服膺也

于文襄公敏中嘗治蔬圃自題圃門聯云今日正宜知此

味當年曾自咬其恨鄂文端公鄂爾泰亦有菜圃長聯云

此味易知但須緣野親身種對他言愧只恐蒼生面色多
用意各別皆格言也

近人集蘭亭序字作楹帖有極自然成格三言者如與世不
言人所短臨文期集古之長人有不爲斯有品已無所

得可無言盡日言文常不倦與人同事若無能一人

知己亦已足畢生自修無盡期相知當不在形跡修己

豈可殊初終清言每不及世事靜坐可以修長生知

足是人生一樂無爲得天地自然每臨大事有靜氣不

信今時無古賢與賢者游信足樂集古人文亦大觀

信古不遷也是昔賢知已流陰若寄無爲今時聞人又

有集聖教序字者如大本領人當時不見有奇異處敏學



問者終身無所爲滿足時。又有集爭坐位帖字者如修身豈爲名傳世。作事惟思利及人。大懼與衆人同數須知保晚節尤難。名美尙欣聞過友業高不廢等身書。業高乎衆意豈滿澤及於人功不虛。

閔鶴初曰嘗見一楹聯云世間惟有讀書好天下無如喫飯難語亦沈著惜未知作者爲誰又云語甫先生授徒輒勸人加餐食案側懸一聯云放開肚皮喫飯抖起神氣讀書想見豪情然不若徐連峰俗雲玄定腳根撐起脊展開眼界放平心爲個儻有致也記余嘗游永嘉謁陳觀樓

先生

昌齊

於署齋見自書一聯云豎起脊梁立行放開眼

孔觀書

似更老氣無敵

程月川中丞

舍章

每莅一任必以自書大字墨揭一聯懸

挂廳事蓋讀書志在聖賢爲官心存君國十二字歟云敬

書朱紫陽夫子家訓語按此是我朝崑山朱栢廬光生

用純

所撰居家格言自黎明即起至庶乎近焉凡五百一

十字此其末段結語通篇語皆切實而此二句尤爲賅括

允堪懸作座右銘今人誤以此篇爲朱子所作中丞亦未

加深考耳中丞又嘗書好鳥枝頭亦朋友落花水面皆文



章兩語爲書室楹聯旁亦注云書朱紫陽夫子何不知此乃南米翁森所作四時讀書樂讀並非朱子中丞亦沿訛而不知也

楹聯叢話卷之九

佳話

福州梁章鉅輯

柳南隨筆云嚴恪字心萱文靖公之父也文靖公已晉尙書而封翁猶康健自書堂中一聯云有子萬事是我子作尙書足而又足千古來稀我年近大耋稀而又稀

松窗筆乘云尤梅菴同著臨去秋波那一轉制義流傳

禁中

世祖知其爲徐立齋業師因取觀之歎爲真才子及宮翰



中国国家图书馆
NATIONAL LIBRARY OF CHINA

林嘗偕諸儒臣進平蜀詩文

聖祖見其名曰此老名士梅菴以此二語刻堂柱左曰

章皇天語右曰

今上玉音極文人之榮

王文成公之父海曰先生諱官至南京吏部尙書致政時

植文成公平宸濠先生自題書室一聯云看兒曹整頓一作

轉乾坤任老子婆娑風月如此福分如此襟期白雲隻干

古而無對我朝桐城張文瑞公及見子文和公晉揆席

自題門聯云綠水青山任一作老夫消磨一作歲月紫袍

金帶

一作紫良黃閣

看吾兒變理陰陽正襲海口語按海曰語又

仍從謝太傅對客語中化來特不如其蘊藉而張語則風

味又減矣

無錫嵇文敏公曾筠及文恭公父子相繼爲宰相門聯云

主聖臣賢兩朝宏碩輔父先子後一氣輔洪鈞桐城張文

端文和亦父子宰相門聯云二世三公太平宰相一堂五

代富貴袖仙拔我朝章平濟美者滿州人爲多惟尹文

恪公尹泰尹文端公尹繼善慶文恪公慶桂三世聯聯爲

最盛漢人則山左劉文正公統熙文清公壩及嵇氏張氏



皆以父子相繼此外無聞焉記宋尤玘萬柳溪邊舊話載其家自文獻卿文簡家科名接武嘗築圃西湖度宗幸其堂御筆題楹間一聯云五世三登宰輔奔朝累掌絲綸朝紳榮之知盛事亦自古所僅見矣

吳彥本魯慶贈王漁洋一聯云天下文章莫大乎是一時

賢士皆從其游其為亦惟漁洋足以當之聞錢名世初游京間除夕以聯送漁洋云尙書天北斗司冠魯東家由是知名後送權貴句云分陝旌旗周太保從天鐘鼓漢將軍因之謫官

科第世家以江南爲盛我朝溧陽史氏岷山徐氏兩家祠堂長聯懸在人口不但今世所稀蓋自古亦妙遇矣按史氏聯云祖孫父子兄弟叔姪四世翰林蟬聯猶有舅甥翁婿子午卯酉辰戌丑未八榜科名鼎盛又逢己亥寅申戌溧陽史氏自康熙一未史鶴齡始入翰林至壬戌其子史蘊繼之庚辰其曾孫史貽直繼之乾隆乙丑其孫史貽謙繼之己酉其曾孫史齊簪繼之此外則其婿金壇于小謝其甥于敏申丹徒任蘭枝陽湖管幹珍並前後爲翰林世謂海內無第二家也若夫聯所云則史鶴齡爲丁酉舉



中国国家图书馆
NATIONAL LIBRARY OF CHINA

人丁未進士史夔爲辛酉舉人壬戌進士史夔之弟史普
爲己卯舉人庚辰進士史隨爲戊子舉人乙丑進士史貽
直爲己卯舉人庚辰進士史貽謨爲甲子舉人乙丑進士
其弟史貽簡爲癸卯舉人甲辰進士又史鶴齡之曾孫史
奔簪爲己酉舉人戊辰進士史光啓爲壬申舉人史應曜
爲丙午舉人入榜科名彬彬可考而合史先啓之王申計
之實爲九榜惟己寅亥三榜尙闕有間則未語又逢己亥
寅申云云亦尙須細考耳

崑山徐氏祠堂聯云教子有遺闕詩書易春秋禮記傳家

無別業解會狀榜眼探花按徐健菴尙書

彭學

係順治甲

午拔貢庚子舉人康熙庚戌探花徐果亭閣學

秉義

係康

熙己酉舉人癸丑會魁探花徐立齋相國

元文

係順治甲

午經魁己亥狀元並無解元會元榜眼聯云亦不過渾括

言之然三兄弟並登臬甲並列學班不可謂非難能可貴

耳至上聯所云語乃實實可風健菴尙書著有讀禮通考

果亭閣學著有經學識餘立齋相國著有舍經堂集而傳

是樓藏書之富甲於寰區教子遺經豈虛語哉

徐健菴先生以大司寇謝病歸



御書光燄萬丈局以寵其行時人贈聯云萬方玉帛朝東海一點丹誠向北辰

紀文達師曰先生介野園先生嘗四主會試四主鄉試其他雜試殆不可縷數嘗有恩榮宴詩云鸚鵡新班宴御園摧頽老鶴也乘軒龍津橋上黃金榜四見門生作狀元于文襄公贈以聯云天下文章同軌轍門墻桃李半公卿可謂儒者之至榮矣

溧陽史文靖公貽道七十壽辰獻聯者充門惟許刺史佩璫云二朝元老裴中令百歲詩篇衛武公及袁簡齋先生

云南呂六一先生座北面三千弟子行爲公所許可

乾隆末漳浦蔡文恭公予告歸里小住福州所主者爲余戚黨家時余方韶雅嘗從入於屏後竊覘之記得先資政公言有一客贈聯甚莊重切實句云主恩前後三旋里天語丁寧再入朝似是中朝達官所製彼時但能述其語而已不能舉其名矣

乾隆六十年中各直省奏報壽民壽婦五世同堂親見七代八代者屢見邸抄然未有如長洲蔣氏之盛者乾隆丙申春內閣中書應焞之祖文源年九十配張氏年八十九



翰林院編修元益之祖文涵年八十九配顏氏年八十八俱五世同堂親見八代應唱元益同日給假回藉祝壽海內榮之時徐雨峰巡撫

士林

製聯稱賀云登科登甲七代

亮孫繞膝難兄難弟九旬夫婦齊眉洵盛事也

嘗見劉文清公爲紀文達師書聯云兩登耆叟今猶健五寧烏臺古所無蓋吾師自撰句也梁山舟學士贈聯云萬卷編成羣玉府一生修到大羅天

英煦齋師恩福堂筆記云先文莊公掌容臺者十二年與達香園紀曉嵐劉青垣三宗伯同事余於嘉慶庚申追隨

三先生亦列春官迨癸酉重任時乃鐵冶亭王春圃兩先生爲大宗伯秀楚翹胡西庚汪瑟菴爲少宗伯鐵出王門胡汪秀三公及余前後皆出鐵門其時有春官六座六師生之諺因製聯留署句云典禮奉寅清粉署重來愧說箕裘延世業同堂聚師弟薪傳述衍始知桃李屬春官按是年適爲王春圃先生八十壽辰合署稱觴屬章鉅爲儷體序政中有官分兩座座中以座主爲尊賓列四門門下之門生疊主句時春圃哲嗣蓮甫先生亦繼爲少宗伯每對同官並誦之



恩福堂筆記又云曹文敏公

文敏

以右庶子視學江西適

曹文恪公家居獻一聯曰韓愈官爲右庶子莊周篇有大

宗師聖文勤公視學浙江時杭州守爲邵公

齊廉

公贈聯

曰杭州太守湖山美康節先生安樂窩皆可云典切前輩

於應酬文字不尙如此

梁文莊公

詩正

既相後嵇文恭公贈聯云秋圃黃花韓相

國春風紅杏宋尙書臺閣頌揚語又何其妍麗也

山左劉文清公在相位其太夫人九十壽辰

仁廟賜壽備極恩榮阮芸臺先生撰聯寄祝云

帝祝期頤卿士祝期頤合二朝之門下亦共祝期頤海內

九旬真壽母夫爲宰相哲嗣爲宰相總自官之文係又將

爲宰相江南八座太夫人蓋其時文清以兩江總督遙執

樞權而信芳先生已官太宰也此與崑山徐氏溧陽史氏

家祠中聯皆無第二家足以當之

直隸真定府試院後樓五楹合祀關帝文昌乾隆中吳白

華先生

省欽

視學適

召回京代者卽令弟稷堂先生在真定交替時白華先生

撰一聯云文武一龕如在上弟兄同節此登高蓋恰值重



九日可云巧合

慶樵園宮保慶保爲廣東將軍時王省厓尙書鼎贈聯云

恩衍韋本祖父子孫三宰相家傳忠孝弟兄叔伯四將軍
巨製鴻題足以稱其家乘

揚州喬椿齡字樗友善易數雖至友不輕爲卜詩文之格
唐以下不屑仿也其弟子阮芸臺先生已貴未嘗通一札
及先生視學山左禮請衡文乃往卒於青州嘗榜其齋云
四方名士皆知已八座門生正少年

英煦齋師六十壽辰適近七夕有呈壽聯者最著稱人口

而忘卻何人所作句云四海仰雙星六秋衍大撓甲子二
難躋八座九天錫鳩氏筮黃時六子奎耀奎照皆躋戴卿
內府錫樂部爲壽云蘇州人入古峪斯前清

阮芸臺先生五十歲時在漕帥任衍聖公孔治山先生贈
以壽聯云果申建科皆屬公門桃李下淮揚列郡更開軍
府梓桑間益先生揚州人正漕帥轄下也

阮芸臺先生於道光十八年以大學士引年予告返居
廣陵里第頤行奉

恩諭有怡志林泉之語舉朝美之藩芝軒相國贈聯云四

盈節度活卷九



中国国家图书馆
NATIONAL LIBRARY OF CHINA

海具瞻尊爲山斗同朝欽羨望若神仙

吳興沈均室

世根

由湖北方伯告歸其子希人學士官內

閣亦請假歸省有同人以聯贈行云鶴鳴在陰其子和鳴

飛遵渚我公歸

朱建三生於七月七日所居之里名百花巷李笠翁壽以

聯云七夕是生辰喜功名事業從心處處帶來天上巧百

花爲壽域羨玉樹芝蘭繞膝人人占卻眼前春

笠翁五十歲生男自題楹聯志喜云一生好事無雙日百

歲閒身得半時

康熙間有某相國家擅園林之勝相國亦雅有文望李笠翁贈之聯云朝能獨行春踏去不知三徑遠公餘時讀史坐來便覺五雲多

李笠翁贈李坦菴相國聯云名世天生五百年爲福黎民特使早居黃閣上元老人稱二十載宜增華髮誰知正在墨頭時蓋相國年未及三旬卽登揆席也

李笠翁有壽方太夫人七十聯曰爲之序云夫人爲何芝嶽相國之女方坦菴宮詹之配樓閣學士邵村待御興三孰四世五孝廉暨謙六任子之母茹齋奉佛兼禮列仙句



云出宰相之門入官詹之室居學士侍御孝廉胄子之堂
足不履民家戶閭者七十年於此繼麻姑之跡追王母之
蹤證如來觀音文殊普賢之果口偏食人間烟火者八千
歲猶然

又壽陳太夫人八十聯自爲之序云此蕉鹿先生之母也
時畫錦歸來專爲稱觴一事太夫人七十時令子猶爲外
吏今則內擢司農矣司云踰古稀又十年喜當時令子高
遷幾度錦衣歸闕閱去期頤尙甘載看後茲文孫繼起滿
堂牙笏頌岡陵

梁文莊公乞假養親

賜萊衣畫永四字扁額又

賜詩云韶祝還朝晚卿家慶更深

天語肫摯如此可謂備極恩榮嵇文恭公贈聯云花宴瓊
林溫仲舒由大魁秉政堂開畫錦王文獻以宰相養親亦
莊麗得體

無錫鄒小山宗伯一柱有門生某弟兄皆詞林二子並登

甲科而其母則以側室受封者也七十誕辰求公撰壽言
公令諸門生擬之俱不稱意蓋不難於頌揚而難於得真
盈縮後話卷九



者之口氣也公乃自撰聯句云有子有孫都成名進士多
福多壽是謂太夫人於是執筆者咸歎服又張船山太守
問陶為吳穀人先生錫縣之太夫人撰聯壽云惟善人現
壽者相有令子為天下師亦質樣有味時先生方為國子
祭酒也

隨園詩話補遺云乾隆庚寅余在杭州訪蔣苕生太史聞
高湖州太守張公處即具名紙往投蔣未見乃先有一戩
冠者挾出心知是太守素無交而其意甚親未免愕然太
守笑曰先生不識我耶我早識先生並識先生之夫人貌

作何狀令妹貌作何水應歷如繪余益驚問故太守曰當
年公作翰林任前門橫街我年九歲與公陸氏二甥同
在蒙館讀書每放學嬉游公家公妹及夫人梳頭常在
旁手進梳篦公過猶餅餌啖我公竟忘耶余謝曰事實
未忘不料昔日聖童為公祖也惜二甥旦已矣相與啼
歎者久之從此遂別廿一十年太守之子惠堂孝廉來權
知溧水又是余改官江南第一次捧檄之所重重春夢思
之憮然其前事迹已作古詩一首贈蔣梓入集中矣今年
良不能再贅乃作一聯留惠堂廳事云後我冊年同為此



地親民幸通家兩代曾見而翁上學時蓋實敘平生佳話
非敢挾長也

梁山舟學士於嘉慶十六年冬患髮疽危篤中見有人持
楹帖入其句云萬里烟雲開瘴戶一天風雨護神鱣病遂
愈因自號新吾長翁後九十誕辰夫婦齊眉清健張岐山
問萊贈壽聯云人近百年猶赤子天留二老看元孫時人
稱其工切

梁山舟學士最工爲壽聯得之者無不樂其雅切如壽吳
太夫人八十一云八座起居令子宮袍慈母綫重闈無喜南

陽仙菊北堂萱自江令子方開藤滿南故用南陽菊事又

壽劉文恭公八十二云蟠均舊齒符天壽鴈塔新題冠佛名

時公以萬壽年生日重宴瓊林也又壽王述菴侍郎和入

十云盾鼻弓衣行世文章皆事業屏風團扇還山官府卽

神仙又壽許小范六十六云甲子從頭開上壽神仙自古有

曾孫時許已有曾孫也又壽趙次乾云東方先生善諧謔

南極老人應壽昌又壽汪西澗仇云國門舊價千金重劉

社新圖九孝尊又壽博羅蘇明府云會翻李委南飛曲曾

領朱明大洞天又壽博羅成明府云鼓琴自擅囊中手飛



烏來看海上山又壽姚宗伯是年與千叟宴者云履烏殿
庭千叟上台光角九兩星間又壽陝西何中丞未及年而
與千叟宴者云家傳一節仍分陝天賜瓊筵頌杖期又壽
袁簡齋先生云藏山事業三千牘住世神明五百年又壽
直隸采制軍云旌麾蔽甸尊宗衰杖履耆英壽國楨又壽
閩中丞奉使本籍蘇公者云王節孝天南斗靜錦衣行畫
使星明又壽尹文端公之子爲福州將軍者云龍門世澤華
跼盛鯨海成名草木知

廣東馬道齋

成修

牧牛童有持扇爲隨日者扇上有貴

州學政四字因奮志請書年三十四始遊庠逾年登賢書
聯捷成進士由庶常改部曹典蜀試又典閩試嗣督學貴
州旋罷歸好論文有馮八股之目年九十餘始卒乾隆壬
寅八襄與夫人同庚康健無恙屆結禱周甲之期親友門
生駢集稱慶重行花燭交拜之禮自署門聯云子未必肖
孫未必賢屢忝科名只爲老年娛晚景夫豈能剛妻豈能
順重諧花燭幸邊天眷錫遐齡至乾隆壬子重赴鹿鳴洵
美談也

趙甌北先生早賦歸田不與外事惟以著作自娛劉石菴



先生手書贈聯云務觀萬篇半皆歸里作啓期三樂全是達生言趙得之甚喜

顏魯與

伯憲

巡撫滇南署堂聯云彩雲見處先後六十年

中三世建牙宜何如効涓埃以肯堂構湛露承來縱橫八千里外百蠻稽首所願與興禮讓而廣農桑王霞九觀察贈芳云出語公自紀實殆黔國公後所僅見者

廬陵劉古巷上舍

宗輝

買舟滕王閣爲舟子書聯云有客

摩舟懷帝子何人下榻學陳公時商邱陳望之爲江西巡撫見之笑曰奇士也命延之入且曰爲君下榻矣一聯之

遇合亦奇

陶雲汀官保開府大江南北者十有餘年名位兼隆吏民翕服潘功甫古人有祝五旬壽聯云能文翰林能言御史能任封疆贊堯聖化有真經濟才公論出朝士口爲國籌運爲民興利爲我鄉里表彰賢達得大光明壽妙法現宰官身又齊梅麓太守祝六旬聯云入州都督五柳先生經濟文章千古心傳家學遠六甲初周一陽來復富貴壽攸百年身受國恩長蓋官保誕辰在黃鐘之月也又程春海侍郎寄贈一聯云海涵地負之才文章博辨議論雄偉春



溫秋肅之政動用縣解靜專直方合諸名流之語觀之其人之生平可定矣

歙縣曹文正公由戶部侍郎晉工部尙書時其門下士徐

訪巖廉訪

賈森

贈聯云再世宮衞太保少保兩朝

宸眷司徒司空

輓聯叢話卷之十

福州梁章鉅輯

輓詞

秋雨菴隨筆云輓聯不知起於何時古則但有輓詞卽或有贈炙人曰二句者亦其項腹聯耳惟石林燕語載韓康公得解過省殿試皆第三人後爲相四遷皆在熙甯中蘇子容輓之云三登慶曆三人第。四入熙甯四輔中。此則是輓聯之體耳。

恩福堂筆記云紀文達師輓朱笥河先生一聯云學術各



門庭與子平生無唱和交情同骨肉。俾予後死獨傷悲。二公所學具見於此而語尤真摯且非荷河先生不能當斯語非文達師亦不敢作斯語也

恩福堂筆記又云乾隆戊戌余隨侍先文莊公赴閩撫仕道出杭州值先文莊公六十壽辰中丞學使分日爲賀此余得瞻彭文勤公之始也迨余入詞垣適公爲太教習最余日向讀之經畫不可拋荒已讀之詩文仍未足用應習文選及唐宋詩醇文醇盡卷熟讀可爲好翰林矣余因是加厲治學嘉慶壬戌遂與公同掌院事一日公告余曰內子

昨開新院長爲誰答曰乃曩在杭州汝亦見過甫八歲之英世兄也二老同深嗟嘆故癸亥公捐館時余哭之痛獻聯云榕嶠奉行輿道出臨安絳帳摳衣纔入歲逢山陪未平職猶弟子玉堂撰杖忽千秋益紀實也

紀文達師輓劉文正公

純熟

聯云岱色蒼茫衆山小天容

慘淡大星沉句奇語重非文正公不足以當之

成親王輓福文襄郡王

福康安

聯云大名諸葛身先死異

姓汾陽

帝不疑我

朝以異姓封王者如定南王孔有德義王孫



可望靖南王耿繼茂襲義王孫徵淳平南親王尚可喜海澄公贈王爵黃芳度皆在國初年間雍正乾隆以來惟福文義一人而已

福郡王薨於湖南軍營時苗疆所在建祠紀文達師撰聯云汾陽王名位相同功業常新萬里有將軍壁壘志武侯經綸未盡英靈如在百蠻拜丞相祠堂

彭春農曰先文勤公出董文恪公邦達之門嘉慶丁巳文

恭公諱丁太夫人憂

高廟遣官奠酒加賞陀羅經被文勤公輓聯云心愴老門

生執饋縫衣憐雪立恩醲賢宰相酸厄經被報春暉時紀文達師亦文恪門生輓聯亦有老門生與賢宰相作對歸語真孫薌林曰惟我兩人所見略同也

董文恪公之夫人沒於京師時文恭公已登揆席文達師作輓聯云富春江萬古青山肝表長留慈訓能成賢宰相曉雨堂九年絳帳食單親檢舊恩最感老門生桃符綴語載此聯以爲陶太史撰益誤

紀文達師因誦某詩云浮沈宦海如鷗鳥生死書叢似蠹魚戲謂此二句可作我他年輓聯劉文清公云此惟陸耳



山副憲足以當之未幾而陸訃至蓋方破

命赴瀋陽覆校四庫書以天氣驟寒裘衣未到凍僵於旅寓中也時以爲語識

紀文達師輓彭文勤公聯云包羅海嶽之才久矣韓文能立制縮畫乾坤之手惜哉堯典未終篇蓋文勤方專司

高廟實錄葉本未能竣事而薨也

沈歸愚尙書

德潛

輓桑敬甫

調元

云文星酒星書星在天

不滅金管銀管堪管其人可傳

畢秋帆自營生曠於鄧尉山並自作輓聯云讀書經世卽

眞儒遲問他一席名山千秋竹簡學佛成仙皆幻相終輸

我五湖明月萬樹梅花

昌平陳紫瀾宮詹

浩

與錢唐陳句山太僕

非嶠

並負重名

時有南北二陳之目宮詹有輓吳湛山中丞

嗣富

聯云使

節轉聞彌舊雨追思鄂渚蘭言如昨夢耆英推洛社生芻

遙奠謝庭玉樹總層霄中丞爲香亭侍郎之父曾撫吾閩

與宮詹爲摯好此聯凄婉動人寫作雙美侍郎爲裁截成

卷徧徵同人題識新建曹文恪公仁和胡文恪公富陽董

文葵公及吳白華褚筠心

廷璋

陸費丹叔

堉

謝蘊山

啟昆



中国国家图书馆
NATIONAL LIBRARY OF CHINA

公皆有跋以一聯而集成巨觀蔚爲墨寶宜中承之孫

去古人葆晉珍秘苦球璧矣

丹學士所撰輓聯極多茲擇其尤著者錄之輓梁文

國治

云天北掩台垣聞說槐音中夜斷江東失宗哀

樹一時摧時其弟冲泉亦沒也輓其姑夫張藻川

功無諫草家有賜書卅載清聲光簡冊公應騎箕

一時血淚灑葭莩輓藍素亭河督云帝昇以河

著淮北臣心似水四知風節嫺關西輓錢竹汀

三秋服鄭說經劉杜史神歸一夕仙人骨相

寺官身

錢簪石先生戴以上書房侍郎致仕山舟學士輓以聯

云青宮授凡洛社圖形官府神仙皆慧業達尊備三絕藝

擅四儒林文苑並傳人自注云昔人以文與可騷書詩畫

爲四絕也

山舟學士之妹天湯畫人辛未庶常未及散館而沒年僅

四十生母猶在堂學士輓以聯云四十年生有自來身到

蓬瀛天遽召三千里沒而猶視心傷桑梓母何依又輓其

師莊對樵云孝思盡宦海家園榮親養親一笑生天證佛



果道望齊太山梁木。吾仰吾放。幾人入座。哭春風。又輓陶
簞村云。萬里見啼。此日愁攀賢令轍。卅年老淚隔江空。盼
少微星。時簞村之子方宦黔中。也輓其兄春淙云。一品承
恩。魂魄長依華屋。九重念舊。馨香宜澈幽泉。輓明中和尚
云。畫裏傳衣。夙契偶同。永長老山中獻蓋。前塵誰證。衲禪
師。自注云。余畫過去僧像。師爲補衲。又師于先人同入詩
社。輓佛裔和尚云。竹萎蕉枯。此日是師真面目。焚香灑水
當年。惟我舊朋儔。自注次句。指恒公寂時事。

山舟學士輓孔谷園

繼東

聯云。臨去詩成。寫照髯仙明月。

清風人已遠。平生墨妙。辨香冰曳。虹樓瀛海世爭傳。自注
谷園沒之前數日。有題蘇尺牘詩。明月清風。卽詩中語。天
瓶居士張文敏公爲谷園婦翁玉虹樓谷園齋名。瀛海仙
班帖天瓶書也。

邱南屏侍郎

樹棠

以事降調。未補官而卒。時辛卯上元日。

也是日值月食。彭春農以聯輓之云。大雲暫作閒雲。風規
自在。元夜頓成長夜。月魄同虧。

陳荔峰侍郎爲內閣學士。閱二十年。始擢少宗伯。旋攝少
宰。少農駸駸乎大用矣。以病乞假調理。已就痊。愈是日。識



客至中夜衆賓甫退始就寢不逾時起坐咯血數口而沒
彭春農輓聯云撒手了無難夜宴方闌歸碧落傷心將大
用夕陽雖好近黃昏

平湖吳臺卿

顯德

松圃協揆之猶子山舟學士之甥也幼

聰敏年十六受知於朱文正師補博士弟子員才藻冠時
謂取青紫如拾芥矣乃十一鄉闈未離席帽鬱鬱不得志
遂遁而學仙曰從事乩鸞叩長生之術年未四十以瘵卒
太夫人猶在堂也學士輓聯云天道何知不許阿嬭留李
賀神仙安在翻教老淚哭羊曇讀之令人酸鼻

山舟學士與其德配汪恭人俱登大年恭人長學士一歲
先學士二年卒學士輓聯云一百年彈指光陰天竺斬此
九十載齋眉夫婦我獨何堪逾二年學士始卒年九十三
沒前數日手書訃稿遺命不治喪不刻行狀同里衆紳士
輓聯云余殿奉絲綸四百紙述事記言史館猶傳大手筆
明湖忠領豆九十載清風儉德邦人長想古衣冠

經覺生先生

桂星

才氣冠時徒以激兀凌人爲世所嫉臨

終自撰輓聯云功名事業文章他生未卜嬉笑悲歌怒罵
到此皆休遺命懸於靈几之前則仍是本色語也



浙中蘇子齋

釋

由翰林改官待御以公過鐫級捐復刑部

副郎轉正郎出守山西朔平以憂歸起復守山東青州卒

於官有素交官於廣東者聞其訃痛之寄聯輓之云譽美

西清望重西臺又威肅西曹出治懋勲猷兩省春風思大

守耗傳東浙心傷東魯奈身羈東粵招魂長嘆息一江秋

水哭先生

徐秋崖孝廉

廷烜

於會試場中得病十四日而沒於邸舍

時令嗣訪齋亦以會試隨侍京寓封翁來若先生年八十

猶在堂也梁小槎比部輓以聯云十四日病莫能甦幸齋

梓相依屬續尙能親舍主三千里沒而猶視痛桑榆垂暮

倚閭猶自盼泥金

道光乙酉德清徐倪氏之案自巡撫以至典史一城之官

盡望吏議王小華廉訪

淮詢

以急欲平反此案遂至自裁

蔡生甫學士

之定

輓以聯云剛毅木訥近仁生原無忝聰

明正直而一沒則爲神願省其爲人然以三品大員爲此

無名之死論者惜之

許周生駕部

宗彥

病中語人云夜來曾作詩記得二句頗

切近狀句云厭聞家事常如客愛看名山悔不僧今繙鑑

盤絲叢話卷十

八



中国国家图书馆
NATIONAL LIBRARY OF CHINA

止水齋集無此二句蓋偶得句而未成篇也駕部沒前二
日自撰輓聯云月白風清其有意斗量車載已無名可謂
丁然於去來者矣

秋坪新語載紀文達公長子汝侔中乾隆乙酉孝廉卒時
公甚爲之神傷語客曰今乃知因果之說或亦有之蓋孝
廉病絕而蘇者屢矣忽一日聞其聲宛山西人也問故曰
其來索逋茲已償清仍欠若干可亟焚楮鏹如數當去家
人輩如言焚之遂瞑方環哭間又蘇張目曰所乘馬後足
顛蹶弗良於行可易一匹則乘之而去矣衆茫然公云云

哭告曰誠有之兄氣絕時所焚馬吾見其後足紙損或卽
其故歟因別製一具焚之乃不復蘇公於靈帷書一輓聯
云來生富貴人家卻怪怪奇奇祇落得終身貧賤賴有聰
明根器願生生世世莫造此各種因緣蓋孝廉素性揮霍
錢刀到手輒盡又緣事被褫公以其過不儉攝禁弗使出
日給資用無少溢孝廉深苦其拘繫所有付之質庫卒之
日蓋不餘一物云

紀文達師與龔匏伯先生

視身

同校

四庫書最相契後

先生以軍機章京觀察滇南終於位師寄輓聯云地接西



清最難忘樞密院旁公餘茶話恩深南徼惜空留昆明池
畔去後棠陰

彭文勤公輓聯碧溪大令聯云匪特鳬蘿親髻同筆研相
將老空懷松菊志家少田園竟不歸

粵東張儀坡庶常勦恃才放蕩未及三十卽以酒色殞其
生其師花曉亭方伯杰甚勵之輓以聯云與人何尤可憐
白髮双親養子聰明成不幸自古有死太息青雲一瞬如
君搖落更堪悲

余嘗桂林延昌月滄郡丞王秀峰書院講席士論翁服余

常就諮地方利弊兼以政暇談藝皆獲益良多惜其驟歸
道山繼主講者爲黃春亭邑侯暗亦佳士有輓呂聯云德
合荀君久以範模孚梓里文追白傳豈惟政事在杭州爲
時所稱余旣爲撰墓志亦輓以聯云三管失斯人癸水辰
山都閣淡千秋存定論鄉賢名宦佇馨香益月滄品學俱
優曾官兩浙有循聲尤長治獄也時合省之士大夫以請
祀鄉賢祠環顧余已爲擬定疏稿適同官有違言遂閣不
行亦可嘆矣

盧厚山官師嘗總督兩廣兩湖巡撫江山山西觀察廣東



山東湖南又於丁憂伏處時奉

特旨起家管西城軍需局駐劄肅州凱撤後遂巡撫陝西其沒也由宮保晉宮師加輕車都尉世職諡敏肅余甲寅同年中勲名之盛未有如公者也裕廉山魯訪

裕廉山魯訪

輓之云曠典邁千秋帶礪合衡天錫殊綸榮衛霍仁恩周

中省翰鈴黼黻人從華屋仰壘壘

劉星槎司馬

台斗

寶應名進士也由水部通守烏鎮以督

運終於宮舒白香哭以聯云學究天人祇曾博文章一第才堪公輔僅試官丞倅三年

李服齋廉訪

友耕

雲南人由山左縣令起家清節循

聲上達

宸聰不數年遂秉臬齊晉移官黔中以老病引退終於家余壬戌同榜中不乏後異之才而言坊行表必推公爲巨擘詢之滇人士亦無間言王季遠方伯輓以聯云道學風高望推南詔循良績著念切東人方伯山左人故抒其去思如此

四川李墨莊太史

鼎元

客死揚州貧無以斂吳山尊輓以

聯云百金囊盡揚州死萬里魂歸蜀道難

東坡志林



中国国家图书馆
NATIONAL LIBRARY OF CHINA

鄭雲軒孝廉天衢

與余同肄業鰲峰書院復同舉甲寅

恩榜實余之妻叔外舅鄭蘇年師之弟也甫踰四十旬沒時節母廖太儒人尙在堂師哭以聯云緣盡先離傷心冊載荆枝漫說來生還有約事多未了回首七旬萱陰敢言已死便無知一字一淚情深於文矣

徐兩松中丞

嗣曾

撫閩有惠政其培植鰲峰書院士子尤

繫去思聞其易簀前數日自撰輓聯云仗我佛慈悲指示方悟得無我無人做吾儒切實工夫巴結到而今而後可謂了然於去來者矣

薩檀河邑侯

王衡

雄於文尤工詩皆不屑拾人牙慧嘗爲

一縣令之母輓聯云民是賈兒甘棠歌衆母母官眞佛子

建規法身身可別云致余嘗借以應「達官之求達道

齒冷而置之

紀文達師於乾隆癸未甲申間督閩學時余家自先大父及先嚴暨諸伯父叔父皆及門受業師訪知余家自前明以來十五代秀才相繼不斷特書書香世業一篇爲贈先資政公因製堂聯云近承十五葉囊相關發金書玉字遙印千乘侯矩矱優游聖域賢關千乘侯爲聖門七十二賢



中国国家图书馆
NATIONAL LIBRARY OF CHINA

叔魚公鱣封號實吾家遠祖也余於嘉慶壬戌成進士適

又出文達師之門一門三代皆爲門生皆登詞館師每對人舉爲美談是秋聞先資政公之訃設位於京邸師親來拜奠並手製輓聯云十五傳蘭玉相承授硯三看入芸館六千里泥金甫報撫楹一笑返蓉城

道光乙未入都所以所撰樞垣紀略質之長懋亭公相嶺公閱之甚喜爲辨析疑滯數事且爲述乾隆年間樞直舊聞娓娓不倦蓋是時軍機老輩無有在公之前者丙申再入見公益矍鑠堅坐久談有後生所不逮者因叩公調攝

之方公笑曰十年前有星士相我將來名位可及阿文成惟年壽少遜耳文成公年八十一今我已七十九矍鑠又可恃乎余以他語解之而公果於次年元旦告終聞除夕向家人查詢歛縣曹文正公終於何日衆對曰正月二日公曰我不可居其後逾日遂逝故徐星伯松輓聯云易簪預知時一日期先曹太傅蓋棺先定論千秋名並阿文成時余在桂林接公訃書亦寄聯輓之云出將入相垂五十年功比汾陽壽同潞國掃穴犁庭越三萬里昔追定遠今

終章佳亦紀實也



彭春農曰曹文正公自勝衣卽受業於先文勤公故與實從談時輒舉文勤公詩文言行以示後進諸君皆以爲聞所未聞公之沒也

賜謚之旨專舉睢州湯公大興朱公作配予輒公聯句云帝眷老成人直追源昭代前賢富之克配師承先大夫從此問昔年遺事知者其誰上聯舉國恩之大下聯述私交之密也

彭文勤公有女許字同里曹文恪公之子曹氏子殤時文年甫十齡卽矢志守貞生平究心經傳不似閨秀之僅以

詩文表著者文勤公病篤曾割股以進故奉

仁廟特旨旌獎誠異數也未幾遂沒劉金門先生輒聯云

名父名翁名女士大貞大孝大完人

余秋室學士集悼亡聯云濟艱辛嘗險阻貧家婦信難爲

痛今朝鏡破釵分欲圖夢影重圓除異世再同青玉案習荆布厭綺羅半生儉德可法奈塵海颺馳電掣贏得裙痕如舊到秋宵怕檢縷金箱哀怨纏綿不愧才人之筆

黃蕉卿集錢唐梁紹壬之室隨梁入粵聞關度嶺未及半

年而沒梁輒以聯云四千里累爾遠來父在家母在殯翁



楮聯叢書卷五

姑在堂屬續定知難瞑目廿三年棄余永訣拜無兒哭無女繼承無姪蓋棺未免太傷心蕉卿有聽月樓詩不減慧業文人宜紹予之有餘痛也

靖安天香居士舒

夢蘭

字曰香負才名其配李湘絃亦婉

慧有才子佳人之目李以中秋夜化去白香憶復甚有所作秋心集中有輓辭錄一篇稱堂中輓聯以龔西原太守爲最句云仙去何之燒鼎白雲悽斷空神傷已甚著黃葉冷空山真才子筆也又載陳果堂聯云千佛禮鳩摩居士案頭磨明旦五更驚蛰羽天香館畔咽秋風胡果堂

丞聯云蟾鏡掩清輝嘆當年玉宇瓊樓難覓靈丸延藥鹿車隨大隱知此後故舊遺掛重哦寒夜悼亡詩劉星村司馬聯云家有詩仙惜到處名山未能偕隱身常禮佛覺往生淨域確有明徵吳蘭雪中翰聯云奔月訪姮娥忍令天香虛舊館拈花歸寧徒煩松雪禮中峰汪巽望泉亭士聯云仙娥明月是前身想歸真翠水丹林桂蕊靈香同郁烈名士秋風添別恨漫寄意繩床經案蟲絲落葉共淒清皆名筆也

韓芸舫中丞

克均

巡撫吾閩其夫人以四月八日卒於官



廨僚屬公輒多頌揚語先生俱不愜意惟孫平叔督部一聯云解脫拈花剛佛曰證明因果在仙霞韓見而歎曰畢竟名士吐屬與衆不同

余由蘇藩引疾假歸後一年卽遭亡室鄭夫人之痛口事俱廢不但悼亡詩不能成一字並輓聯亦無之惟手書影但心在四字於靈帷而已憶程春海侍郎寄聯云淑德稱女師孝著鄭經祀修梁案令名相夫子澤流三黨紫被萬家語特於重足令泉壤生輝又林少穆撫部寄聯云相夫垂四十載辛勤出處同心畫錦歸來猶並轡濟世且萬千

緡功德熾昌啓後夜臺化去合生天則隱括余行狀語也又門人祝秋臺侍讀春熙長聯云千里黃腸方偕歸隱三閭茆屋幸免負春卅八載鴻案相莊痛半世釵荆彤史遽亡賢德曜鑑輦才思葢未心欽書帶家聲蘭畝耳熟廿六年鯉庭陪侍對後堂絲竹絳帷望斷老彭宣亦紀實之詞尙非輓聯俗套

陶雲汀宮保由微撫蘇撫晉督兩江前後將二十年以勞瘁終於金陵

賜諡文毅入祀賢良祠余壬戌同年中勲名之盛未有如



公者也卓海帆尙書

東格

哭以聯云天下大事公可屬江

南遺愛民不忘京中同人皆以爲切當余亦寄聯輓之云
尹文端厚澤深仁重見江鄉說遺愛陳恪勤精心果力方
知楚產信多才益官保狀貌雄偉方口豐髯酷似其鄉陳
恪勤公余藩吳日因修陳公祠拜像而知之曾紀以詩云
省識鬚眉如有悟始知從古楚才優官保聞之亦頗自喜
此聯猶前詩意也

朱詠齋太宰

士彥

亦余壬戌同年一生以樸誠爲

上所倚任其直

上書房時尤以嚴氣正性自持斷斷辨

論之聲達於中外

上在乾清宮時每遙識之比年奉

命獄獄周歷各省不政告勞甫還 朝未久卽卒

賜諡文定加官保銜可謂備極哀榮矣余寄聯輓之云師
範重三天聲欬聲猶留殿陛皇華周四國樸誠望早式班
聯無溢美也

陳芝楣中丞

鑒

由果甲翰林出爲江南郡守初權江甯府

補授松江府旋調蘇州府取白香山詩句鐫一小印曰自
出承明三領郡余藩吳時芝楣適守蘇州文采風華領其



流輩以於余有推薦之誼執弟子禮甚恭踰年卽擢監司
都轉陳臬開藩遂被開府豫章之

命旋移吳中權江督兼河督近科詞臣名場之快利未有
如公者也聞其擢浙臬時初

覲京師引對甚稱

旨有此後前程不可限量之

褒乃

嚮用方殷而修文遽召年實限之謂之何哉余以聯寄輓
之云儀表稱科名

帝許雲程難限量文章兼政事我慚風義託淵源

哀輓通用之聯亦有佳者如悼亡云春江桃葉鶯啼濕夜

雨梅花蝶夢寒寶瑟無聲絃柱絕瑤臺有月鏡奩空

總帷忍痛袁仁句推髻難忘德曜風戚友云氣數不言

仁者壽性情猶見古之思誅文作自先生婦遺稿歸於

後死朋蘭亭少長悲陳迹玉局風光歎化身素車有

客奔元伯絕調無人繼廣陵雲深竹徑樽猶在雪壓芝

田夢不回文章卓犖生無敵風骨精靈沒有神

白傳

事業已歸前輩錄典型留與後人看

坡公句

稱觴尙憶登



堂事挂劍難爲過墓情 十載名場成勁敵九重泉路盡
交期 達官云峴山碑墮羊公淚浚縣圖留陸子型 處
士云桃花流水杳然去明月清風何處游 上界由來足
官府西風何處哭文章 墨雲香冷來禽館薤露寒生賦
鵬文 不作風波於世上別有天地非人間 又八字云
未弭前思煩作永別追尋笑緒皆爲悲端 一代傳人鄭
虔三絕十年循吏楊震四知 又十二字云象應少微星
彩落蒲辰悲夜月名傳耆舊傳芳流梓里憶春風 小別
遽招魂始信憂榮能損壽高堂久忘世那堪遲暮轉摧心

叔輓姪云別室具銅盤期爾從容光素業中庭摧玉樹
愁余遲暮哭窮途 兄輓弟云同氣遽分途原隰秋風魂
不返異時誰共被池塘春草夢難通 兄輓妹云勁節勵
冰霜定卜龍岡終有表哀年鮮兄弟可堪雷岬更無書
甥輓舅云有淚灑州門千古白眉增太息無才成宅相甘
年青眼益酸辛 婿輓翁云浮白自慚蘇子美垂青空憶
李文公 弟輓師云問字感當年重謁元亭空灑淚傳經
珍此地載瞻絳帳暗摧心

曹善原宮保文壇 於乾隆末乞養里居歿於嘉慶三年彭



文勤公輓聯云人爵貴天爵更尊解組學烏巢反哺

帝星升臣星先隕騎箕爲龍馭前驅

富陽董文恭公身爲太平宰相三十年曾兩次畫像紫光

閣勲名之盛一時罕有倫比而身後清況乃似寒門落葉

閣學士

錫恩

有輓聯云珠玉白天題計兩番紫閣圖形早

有丹青傳相業樓臺無地起綵冊載黃扉翊化惟將清白

表臣心

楹聯叢話卷之十一

福州梁章鉅輯

集句

集字附

漢碑句皆質重蔚然古香余齋所藏頗多因偶集爲楹聯

云蘭石之姿清少之行

晉

璫璋其質芳麗其華

喜平

蹈

規履信立德隆禮

式

根道核藝抱淑守真

景

佐時理物

夫與厥福

夏永

舍和履仁帝賴其勲

夏承

德惠旁流

芳遠布

劉雅度

宏綽廣學

魏微

敦詩悅禮藐然高厲

耿勲

環質

彌章耀此聲香

校官

紹聖作儒貢登王室



鈎河摘洛象與天謨史晨學爲儒宗行爲士表魯冠乎羣

彥簡乎聖心鄭固聲無細聞雖遠猶近張勞而不伐有實

若虛孔彪純齋之德仁義之操魯孝弟於家忠譽於朝衛

舍和履仁天與厥福見上發號施憲民說無疆孔彪舍

和履仁見上永享年壽孔彪應期作弼入參文昌韓勅下民

康濟順如流水尹宙羣公憲章穆若清風魯温然而

恭慨然而義魯忠以自勗清以自修鄭固

近人集句楹帖有可喜者五言云山公惜美景小謝有新

詩獨孤及即事已可悅賞心還自怡杜甫劉方平 腳著謝

公展身披萊子衣李白名香播蘭蕙妙墨揮巖泉張九

齡 江山助磅礴文物照光輝陸堅深情託瑤瑟逸

興橫素磔賈至閱古宗文舉臨風懷謝公盧綸跌宕

孔文舉風流賀季真韓光義誰將佳句並真與古人齊

楊巨源 雅琴飛白雪逸翰懷青霄杜正倫智勇冠當

代車華觀臺書盧湛結交指松柏述作凌江山孟浩然

朗抱開曉月高文激頌波孟郊學業醇儒富文章

大雅存杜甫積照涵德鏡素懷寄清琴孟郊鵬鵠

勵羽翼龍鸞炳文章儲光義草木含清色巖廊挹大猷



高適

知音在霄漢高步躡華嵩

江山澄氣

象冰雪淨聰明

高適

汲古得修綆開懷暢遠襟

韓愈

文章輝五色心跡喜雙清

李白

端居喜良友獨立占古

風韋應物

披雲鍊瓊液坐月觀寶書

李羣玉

盤華滿

冰雪節操方松筠

高適

酒香留客住詩好帶風吟

姚合

名香播蘭蕙雕藻邁瓊琚

蘊真偃所遇

振藻若有神

儲光義

溪靜雲生石窗虛日弄紗

心同孤鶴靜節效古松貞

呂渭

名香泛窗戶遠岫

對壺觴

許渾

墨研清露月琴響碧天秋

地迴雲

偏白亭香草不凡

高適

接垣分竹徑微路入花源

義

美花多映竹喬木自成林

杜甫

邱壑趣如此鸞

鶴心悠然

錢起

柳深陶令宅月靜庾公樓

李白

隨入古山花拂面香

張九齡

長笑對高柳貞心比古松

李白

題持山作壽常與鶴爲羣

武三思

荷鋤修藥圃

就花欄

王維

澗松寒轉直碧海闊逾澄

知大隱者乃是不羈人

王維

詩思竹間得道心塵外逢

元稹

暗水流花徑清風滿竹林

杜甫

從來多古意可

以賦新詩

杜甫

徑隱千重石園開四季花

杜甫

隔沼連



香菱綠嚴覆綠蘿

杜甫 李德裕

琴將天籟合幔卷浪花浮

趙冬

曉

野翠生松竹潭香聞菱荷

李孟浩然

頗得湖山趣

不知城市喧

劉長卿 吳筠

短歌能駐日閒坐但聞香

宋之問 王維

高松來好月野竹上青霄

李白 杜甫

松風清耳目蕙氣襲

衣襟

孟郊 張九齡

七言云川原繚繞浮雲外臺榭參差積翠

閒

盧綸 薛逢

松間明月班如此身外浮雲何足論

宋之問 白居易

窗含遠樹通書幌風颭殘花落硯池

李賀

四野綠雲

龍稼穡一庭紅葉掩衡茅

杜甫 韓愈

常愛此中多勝事更

於何處學忘機

劉長卿 周樸

松持節操溪登性山展屏風花

夾籬

李洞 李白

閒看秋水心無事靜聽天和興自濃

皇甫冉 劉禹錫

陽羨春茶瑤草碧蘭陵美酒鬱金香

錢起 李白

楹帖中亦有所謂臺閣體者五言集句云大賢秉高鑒上

德表鴻名

孟郊 虞世南

天與三台坐儒開百代宗

張九齡 司空曙

謀猷歸岳厓詞賦引文雄

王維 唐元宗

羽儀呈鸞鷟藻思燃

琅玕

劉禹錫 韓愈

麟筆刪金篆霓裳侍玉除

盧綸 王維

一經傳

舊德八座起文昌

張說 唐元宗

雲山起翰墨星斗煥文章

王

杜甫

三光懸聖藻一氣轉洪鈞

沈佺期 杜甫

道爲詩書重心

緣啓沃留

杜甫 高適

七言云功名待寄凌烟閣霄漢常懸捧

五言集句

卷一

四



中国国家图书馆
NATIONAL LIBRARY OF CHINA

日心杜牧錢起

千秋錄紀朱鸞語五色光生綵鳳毛李義府

瑞氣迴浮青玉案清名含在紫微天耿湋白居易

仰賀斯

文歸朗鑒惟將直道歷崇班齊己張籍聖代科名酬志業中

朝品秩重文章

方干羅隱

勲業定應歸鼎鼐文章誰得到家

恩徐寅賈休

三千士裏文章伯十二樓前侍從臣盧綸許渾彩

筆祇宜天上用五雲多繞日邊飛

貫休鮑溶

瑞草惟承天上

露繡衣却照禁中花

王建方干

萬卷圖書天祿上四時雲物

月華中

李白許渾

更傍紫微瞻北斗還將綵服詠南陔薛逢

花迎綵服離鸞谷閣倚晴天見鳳巢

羅隱劉禹錫

七德龍

緙開玉帳三千犀甲擁朱輪

駱賓王陳陶

身應山河分岳瀆

功銘鼎呂繪麒麟

于尹耕封益紳

梁山舟學士所書楹帖多係集句有鈔輒成本者今錄其

佳者如左

四言云蒼藻其德

法言竹栢之懷

水經注五言

云名隨市人隱心與古佛閒

蘇軾竹石得幽秉壺觴多雅

游文同

六言云讀書不求甚解

陶靖

鼓琴足以自娛

七言云我書意造本無法

蘇軾此老胸中常有詩

陸子省

字之間見風雅笑談與世殊

山谷文章或論到闢

奧梅聖俞笑談與世殊

山谷

萬卷藏書宜子弟



田聚寶真生涯蘇句 官如草木吾如土東坡句 舌有風雷筆

有神見上 胸中已無少年事 門外猶多長者車山谷句 張

顛草聖雄千古 焦遂高談驚四筵遺山句 名高北斗星辰

上王廷圭句 詩在千山烟雨中張孝祥句 輕鷗白鷺定吾友山谷句

緣竹高松無俗塵劉公是句 纔成白雪三千丈明公句 淨掃清

風五百間蘇句 更築園林負城郭明公句 先安筆研對溪山

放翁 蹙踏鮑謝跨徐庾蘇句 網羅秦漢近唐虞傅察句 八

言云行道有福能勤有繼居安思危在約思純左傳 冰生

於水而寒於水蘇子 雲出其山復雨其山詩疏 如此風神惟

須飲酒北史 既佳光景當是劇棋南史 小窗多明使我久坐

入門有喜與君笑言林 德有潤身禮不愆顏延年句 玉韞

庭照蘭生室香庾子山句 平理若衡照辭若鏡動墨橫錦搖

筆散珠文心雕龍 山水有靈亦驚知已水經注 性情所得未能

忘言庾子山句 閉戶自精開卷有益任彥昇句 垂露在手清風入

懷柳子厚句 碧山人來明月作畫金尊酒滿奇花初胎詩品

時粉簡編冠纓圖史李義山句 糠粃禮義錙銖功名王績句

九言云如良金美玉無施不可張說 非精墨佳筆未嘗輒

書裴行儼傳 十言云無江海而閒不導引而壽莊子 乃邦家之



光并閭里之榮歐文

吳青士郡丞廷榕 唐吳中錄寄集句八字聯皆古雅可愛

今擇錄其尤佳者如左云赤野生姿青田矯翰唐婁師德契苾明碑

白雲怡意清泉洗心李邕集有道碑 蘊智成囊含明作鏡唐劉待價

政碑令狐仁 憑春灑翰席月抽琴北魏高湛碑 如筠斯清比蕙又

暢唐朱儆報友書 逢冬愛曲值石憐欲魏姜質亭山賦 器重南金才橫

東箭高后碑 辨雕春園德鑑秋天唐太宗訪不能詔 綴響蘭深緝

言瓊秘謝莊武帝册 沈思泉湧華藻雲浮魏太子蘭贊 鳥嚮歌

來花濃雲聚庾信馬射賦 雲隨竹動月共水流陳後主夜庭度鴈賦 春

水雨派晴山影曲大隱賦 朱輪十乘紫誥千篇幽居賦 薛引

山茵荷抽水蓋王勃東屋山池賦 琴號珠柱書名玉杯庾信少園賦

激揚碩學誘接後進南史張融傳 甄明政術曉達公方唐太宗訪才能

詔 經緯區宇彌綸彛憲文心雕龍 抑揚人傑雕繪士林梁必月碑

修風曉逸德星夕映謝莊武帝册 秉仁嶽峻動智淵明崔敬龜碑

頌 澤雨無偏心田受潤簡文上法頌表 慈雲旣擁智海亦深鮑照河清

簡文與 抗心希古任其所尚舍毫命素動必依真嵇姚察名

畫 厚露飛甘舒雲結慶謝莊武帝册 貞筠抽箭潤璧懷山王融



中国国家图书馆
NATIONAL LIBRARY OF CHINA

贈叔 壯思風飛逸情雲上謝眺七 朗姿玉暢惠風蘭披

宋孫康 團扇賦

謝默卿邑侯以淮 自梁溪錄寄集句各聯皆工穩附錄於

左云井竈有餘處林園無俗情 擬茲一觴未知明日事

遠之八表正賴古人書以上集 精義測神與清機發妙

埋遠想出宏域高步超常倫集文 謳吟垌野金石雲隄

棟梁文園冠冕詞林文心雕龍 芝洞秋房檀林春乳桂

深冬煥松疎夏寒庚開 舉頭望明月盪胸生層雲集李

楓葉荻花秋瑟瑟浴鳧飛鷺晚悠悠集白 家醪滿瓶

書滿梁山花如繡草如茵集唐 蜨銜花蕊蜂銜粉犀薛

塵埃玉碎寒集李義 碧苔芳暉如有佳語緣杉野屋良

彈美襟集司空表聖 隔溪漁舟幽鳥相逐亂山喬水奇

花初胎 妙機其微是有真宰遠引莫至忽逢幽人 娟

娟羣松上有飛瀑蕭蕭落葉人間清鐘 紅杏在林幽鳥

相逐碧桃滿樹清露未晞 蓄素守中所思不遠返虛入

渾其聲愈希 神化攸同控物自富性情所至著手成春

與古爲新載瞻星氣其日可讀如寫陽春

焦氏易林中語多吉祥有集句爲聯語云祇德礪才爲國



中国国家图书馆
NATIONAL LIBRARY OF CHINA

楹聯叢話卷十一

藩輔布政施惠生我福人 舍和履中駕福乘喜年豐歲
熟政樂民仁 論仁議福保我金玉達性任情樂其安閒
道德神仙增榮益與福祿歡喜長樂永康

余小霞有集句聯云隨遇而安因樹爲屋會心不遠開門
見山又云天半朱霞雲中白鶴山間明月江上清風予曾
集蘇句爲聯贈之云勸子勿爲官所磨知君欲以詩相磨
又一聯云筆老詩新疑有物水清石瘦亦能奇
聞有集前人句題酒家樓者云勸君更盡一杯酒與爾同
消萬古愁可謂工絕

黎湛溪河帥廳事有桂未谷

額

分書集句一聯云天根月

窟閒來往麤沙大石相磨治余每進謁屢目之河帥曰君
賞其書乎惜集句殊不倫不類也余曰桂作此時初不爲
公自今觀之則所集殊雅切河帥詰其說余曰上語謂公
治易對語謂公治河耳同僚尙未喻余曰上語謂作河上
易注對語謂辦碎石坦坡耳衆始譔然

吳信長集司空曙李頎一聯云翠竹黃花皆佛性清池皓
月照禪心以題佛寺恰好

李蘭卿守思恩時於賓州建聽荷小閣集句聯云眼明小



閣浮烟翠身在荷香水影中跋云道光丁亥六月按試賓州以是月二十四日作荷花生日時阮春畚刺史重葺是閣方成而申漁溪陳紫瀾劉夢庭三明府皆不期而會一時之盛衆賓俱驩余題扁牘曰荷花世界並集東坡誠齋詩句懸於閣柱

達誠齋

達三

權稅粵關喜談文字頗通易學有別業在署

有名淨芳園權使自爲集句一聯云閒坐小窗讀周易每依南斗望京華

相傳徽州城中有戲臺初成徽之巨商撰聯得一句云聲

爲律呂身爲度久不能對曰有能集成語對者當厚酬之時方朴山先生命其子德往對曰雲想衣裳花想容徽商酬以百金先生笑曰七字百金李太白惠我無彊也按對句勝於出句出句呂字添出身爲度三字亦無著適成其爲徽商本領也

近人有集句楹帖云大兒孔文舉小兒楊德祖前身陶彭澤後身韋蘇州以東坡詩對禰衡傳天然比偶惜無人能當此語耳

石墨文字以石鼓文爲最古近有集爲篆聯者云道藝工



於寫華柳秀靈時或載淵魚 不華不樸同所好既安既
寧樂迺時 寧樸毋華以康我道既安迺樂共寫其天
道旨淵微深於四子詞華工秀大如六朝

桂林城中巖洞以風洞山爲最卽疊綵山也山中座落又
以景風閣爲最葉琴柯中丞

紹桂

集禊帖字爲聯云林間

虛室足觴詠山外清流無古今余亦擬集韓句一聯云紅
牆丹柱動光彩高厓巨壁爭開張

余編辟聯詒將竣適賀耦庚中丞郵信來以集句兩聯索
書一七字云行不得則反求諸己躬自厚而薄責於人又

八字云視履考祥其旋元吉清明在躬氣志如神因附識
之

以下
集字

西嶽華山碑前明已燬今海內只有三拓本余所藏者華
陰郭允伯舊物曾歸朱笥河先生者也碑爲蔡中郎所書
近人有集碑字爲楹帖者如云漢壁秦璆千歲品光風嘉
月四時春 和平峻望中書令典則高文太史公 歲星
仙氣原方朔璧月新詞是義山 玉堂修史文皆典香案
承書望若仙

陳曼生郡丞有集三公山碑字一聯云老屋三間可蔽風



雨空山一士獨注離騷

柳誠懸所書元秘塔銘雄偉奇特最宜於作楹聯有集字成句者云山靜曰長仁者壽荷香風善聖之清 窮經安有息肩曰學道方爲絕頂人 情詞超邁高常侍書法清圓趙集賢

敬客所書王居士塋塔銘乃褚派也近人喜學之姿態橫生惟以作大字則規撫稍有不足亦有集字爲楹帖者云天然文吐春雲潤悟後心如秋月起 明月超然懷遠鑒緒風和處覺春生 書求往迹得其化文有真宗鑒乃神

風節爲真金樂石心神如秋月春雲

顏魯公爭坐位帖字不及寸而拓作大字則有雄偉之觀勝於臨摹他蹟近有集帖字爲楹聯者語亦舛異不羣七言云身向尺天崇位業人從香海望才名 恬然清行同南郭積有文才是左思 一誠有定同葵向百故皆恬若海容 校書長愛暗前月品書微聞座右香 清時盛治

人同仰名世高文衆所師 其書莫廢文明道不爵而尊禮衛身 畏友恨難終日對異書喜有故人藏 月寮烟閣標清興文府書城縱古今 書到石軍難品次文如開



府得縱橫 滿堂古香人有會當階清蔭月初中 立志
須如三古盛爲書自起一家言 八言云立功德言有三
不朽尚齒爵位無一非尊 功冠凌烟紀綱文武才高畫
日損益古今 立德立功居之以敬友直友諒尊其所聞
有集顏魯公多寶塔碑字爲楹帖者近刻成板聯墨場亦
頗可觀句云天然深秀檐前樹自在流行檻外雲 脫俗
書成一家法寫生卷有四時春

顏魯公書東方朔像讚字莊嚴合矩在多寶塔之上有集
字成聯者云德星人是東方朔雄辨文如石曼卿 作者

多大方家數望之如神仙中人 情而不矯心無滓儉以
爲節家之肥 學以精神通廣大家從清儉足平安

繹山碑原石已不可考今所傳本乃五代鄭文寶重刻而
典型具在殊可臨摹近有集碑字爲聯云追古思今道在
作者登高望遠時復樂之 爲樂及時令德無極去古不
遠直道在斯 日有所思經史如詔久於其道金石爲開
山澤高下理所著金石刻作臣能爲

王右軍蘭亭敘字執筆者無不奉爲矩型近人有集字爲
楹聯者亦自巧思綺合五言云暢懷年大有極目世同春



室有山林樂人同天地春 惠日朗庭室清風懷古人
風竹引天樂林亭集古春 六言云今趣豈異於古天
聽可期諸人 文情生若春水絃詠寄之天風 七言云
有足春隨惠風至無懷人合盛時生 游春人若在天坐
聽曲情隨流水生 文生於情有春氣興之所至無古人
情文俯仰懷遷固述作風流契老彭 流水永無風浪
作春情時以管絃和 絲竹放懷春未暮清和爲氣旧初
長 寄興在山亭水曲懷人於旧暮春初 遇事虛懷觀
一是與人和氣察羣言 與絃作契風生竹列坐爲情水

抱山 觀水期於無盡地生天當是有情人 隨羣流觀
極盛事欣樂哉述古初言 得趣在形骸以外娛懷於天
地之初 流水情文曲有致至人懷抱和無同 極清閒
地是蘭若觀自在春於竹林 追隨永日倚鉢暢坐領春
風氣不羣 坐隨蘭若幽懷暢游及竹林躁氣清 靜坐
不虛蘭室趣清游自帶竹林風 隨所遇時將靜悟老於
文者不陳言 得山水樂寄懷抱於古今文觀異同 放
水流長觀其曲爲文氣盛集於虛 虛懷視水人咸悟和
氣爲春天與游 將合萬類爲一已每以內觀當外游



知足一生得自在靜觀萬類無人爲 大文間世有述
作至樂在人無古今 山水之間有清契林亭以外無世
情 虛竹幽蘭生靜氣和風明月喻天懷 羣然和者幽
蘭曲快哉當之修竹風 古與爲懷稽作者興隨所引契
天然 風人所詠託於古靜者之懷和若春 清風有信
隨蘭得激水爲湍抱竹流 室因抱水隨其曲竹爲觀山
不放長 亭間流水自今古竹外春山時有無 山有此
生未能至竹爲一曰不可無 八言天畢生所長豈在集
古閒情自託亦不猶人 不次之遷人同品峻及時爲惠

情與春長

今古畢陳趣生一室人天與感文可萬言

誕妄不生虛無視事幽閒自得清靜爲修 林氣映天竹
陰在地曰長似歲水靜於人 小有清閒抱絃懷古隨其
時地修已觀人 清氣若蘭虛懷當竹樂情在水靜氣同
山 春水初生係懷左右清風惠及盛領情文 九言云
今文與古文期其一昇無極爲太極化可萬殊

近吾鄉鄭雲麓觀察

開禧

有知足齋集禊序楹帖一帙刻

於粵東董琴南爲之序亦集帖中字所稱旣極自然又有
生趣者信不虛也茲擇其尤佳者錄之云生當稽古右文



日老作觀山樂水人 人品清於在山水天懷暢若當風
蘭 世間清品至蘭極賢者處懷與竹同 時契幽懷同
靜氣因觀流水悟文情 有時自向竹間坐無事一盃蘭
若游 爲人不外修齊事所樂自在山水間 隨時靜錄
古今事盡日放懷天地間 修已可知有樂地作文自合
舍陳言 作文每期於古合寄懷時或與天遊 萬類靜
觀咸自得一春幽興少人知 世情豈盡能相合賢者所
爲固自殊 人品若山極崇峻情懷與水同清幽 大賢
自合爲九列清風可以流萬年 信之爲言有諸已文亦

不外生於情 盡日山游得風趣一生浪迹契大隄
可情懷常作竹少文樂事在游山 述古期同彭不作歸
風若遇惠之和 昔時嘗品惠山水異日期爲少望游
自古在昔有述作當今之世咸清賢

懷仁聖教序本集石軍遺字而成近復有集序中字作楹
帖者古雅可喜 五言云鹿門多大隱花洞有長春 雲
霞生異彩山水有清音 波綠生春早雲歸注雨遲 有
雨雲生石無風葉滿山 七言云黃昏花影二分月細雨
春林一半烟 明月不離光宅寺清風常渡出山鐘 清



華詞作雲霞彩典重文成金石聲
勝地花開香雪海妙林經說大羅天
一藏梵聲壽在口滿林花影月苞山
九萬里風斯在下八千年木自爲春
天機清曠長生海心地光明不夜燈
承恩湛露三春重被體香羅九夏輕
機雲才學有天趣王謝風流本性成
法雨慈雲窺色相清池明月露禪心
萬里波濤歸海國一山花木作香城
座攬清輝萬川月胸涵和氣四時春
八體六書生奧妙五山十水見精神
松濤在耳聲彌靜山月照人清不寒
紫薇華省承綸誥金粟香風舞綵衣
書成花露

朝分潔悟對松風夜共幽
珠林墨妙三唐字金匱文高
二漢風
謝傳心情託山水子瞻風骨是神仙
燈火夜深書有味墨花晨湛字生光

歐陽率更書醴泉銘字最方整臨作楹帖尤宜有集字成
聯者七言云月沼觀心情若鏡雲房養氣潤於珠
德取
延和謙則吉功資養性壽而安
西清恩挹三霄露東觀
文成五色雲
一室圖書自清潔百家文史足風流
巖
前鍊石雲爲質楹外流泉月有聲
爲學深知書有味觀
心澄覺寶生光
功深書味常流露學盛謙光更吉祥



八言云氣淑年和羣生成遂水凝鏡澈百姓爲心 良玉
潤珠精神流照吉金樂石左右交輝 甘露卿雲於斯爲
瑞珠輝玉照蓋代之華 瓊質金相當時之寶頌經風緯
冠世而華近張潯山方伯 正松 集字書聯見贈云鳳質龍
文光華相映景風淑氣仁壽同登
室臨春水幽懷朗坐對賢人躁氣無此姚姬傳先生 集
禊帖字聯以贈羅子信太史者

聯叢話卷之十二

福州梁章鉅輯

雜綴 諸語附

朱竹垞先生在京師除夕署門聯云且將酩酊酬佳節未
有涓埃答 聖朝脫盡名士習氣而未嘗不傳誦於時所
謂言以人重也又罷官後集句爲門聯云 聖朝無棄物
餘事作詩人其實詩人二字尙不足以盡先生耳

彭文勤公自書京邸春聯云門心皆水物我同春日下土
大夫頗以出語爲話柄不遇以門心一字強捏耳然古人



此等句法甚多唐賈島題長江廳詩有言心俱好靜之句
意境正與相似則用之極帖有何不可况對句甚渾成乎
後汪銳齋儀曹德錢仿其意云臣心如水王道猶龍則青
出於藍而不能青於藍矣

京師宦宅所製春聯每喜以本歲干支分冠於首如乙未
云乙近杏花袍曳紫未勻柳色綬拖黃丁酉云丁歲觀光
惠國士西山探秘識奇書皆有淡泊痕迹莫如戊寅歲一
聯云吉日維戊太歲在寅爲自然也

盤勛錄云岳大將軍鍾琪以名將兼通文墨嘗訪舊好蜀

僧大岳於揚州樂善庵卽席贈以聯句云有月卽登臺無
論春夏秋冬夏是風皆入座不分南北東西庵卽譯經台舊
址也或以此聯爲李笠翁所撰

英照齋師曰余未諳習內典臨摹古人所寫佛經偶有會
心如此耶尼豈非尊我孔子乎居馬蘭峪工次時工人於
舊寺中添建三教聖人殿求作聯語遂書與之云西域談
經心仰尼山思竊比東周問禮語傳柱史戒深藏

吾鄉林樾亭先生喬蔭湛深經史之學復工駢儷之文有

壽其妹夫李志漢封翁一聯云樹蔚彤雲知諸出有陽



元望他日成吾宅相華堂盈紫氣源厥初於聃耳喜長生
本自家傳封翁爲李研雲鴻瑞之父蘭卿都轉之祖宅相
信不虛矣

王夢樓先生贈蔣心餘聯云前輩典型秀才風味華嵩品

格河海文章汪劍潭

端光

亦有贈聯云沽酒近交鄉父老

解衣平揖漢公卿

阮梅叔

亭

爲芸臺先生介弟文采風流不愧難弟之目曾

撰瀛舟筆談十二卷皆雜紀先生撫浙時事也洪稚存先

生亮吉

於嘉慶戊辰八月十三日到曲江亭始與定交用

家書楹帖贈之云第五之名齊票騎十三此夜訂心交柳
叔甚喜卽附記於瀛舟筆談中

張南山松軒隨筆云高要莫善齋廣文

元伯

以學行問於

時馮魚山先生

叔昌

贈以楹帖云奉母孝經看在手教兒

文送讀從頭

吳興包果峰

敬堂

有著作才阮芸臺先生最賞異之嘗贈

聯云吳興山水古來清遠包咸論語今尙流傳

李松雲先生少年科第後頗偃蹇年六十時猶官成都知

府自壽聯云三館六曹十七科競稱前輩一官萬里二千



石遂老斯人

秋雨菴隨筆云子建之才八斗我得一斗天下共分一斗以斗論才奇矣有曹姓人爲彭澤令其友人贈一聯云二分山色三分水五斗功名八斗才運典恰切

蘭州府城西火祖廟元宵燈火最盛余曾於公餘往觀記得吳信辰一聯云鑽燧木先春食德飲和且自披星朝赤帝觀燈天不夜衢歌巷舞何妨捧日待黃人

王季遠方伯述爲漢泉時每赴城外監視行刑必就其地關廟行香此廟僻在郊垌且非有行刑事直爲人跡所不

到寺僧乞製廟聯因以意撰句云度一切衆生於夢幻後存千秋大義在天壤間可謂不卽不離又言浙江桃花嶺有蘭廟縉雲程教諭

又涉

撰聯云當時諸葛大名荒祠古

栢嗟回首萬牛何如漢壽亭垂徧開蘭若此地洞天小有絕壁修篁肅臨風千纓休比武陵源藐空說桃花據云此聯在浙東頗膾炙於人口然上聯無端壓倒諸葛公已屬無謂下聯祇敷衍得桃花二字實非佳構也

西湖詩僧小顛有萬峰山房稿預爲涅槃塔院嘗於所居榜一聯云老屋將傾只管淹留何日去新居未卜不妨小



佳幾時來

張南山爲余述武后廟聯云六宮粉黛無顏色萬國衣冠拜冕旒武后何以有廟廟亦不知在何地而聯語則亦莊亦諧精切不易矣

李笠翁云李中玉廣文家有聲樂余贈之聯云門多桃李案少簿書別宦恐無此樂前列生徒後盈絲竹今時復有其人又申玉之內子生於元旦是日稱觴卽令家姬試演新劇余亦有聯云元旦卽稱觴鶴算龜齡齊讓早歲朝先試樂鶯歌燕語盡翻新

笠翁芥子園門前二柳門內二桃桃熟時人多竊取因戲書一聯於戶云二柳當門家計遜陶潛之半雙桃鑰戶人謀慮方朔之三人以爲謔而不虐又題歌臺云休榮俗事催霜髮且製新歌付雪兒又題大門云孫楚樓邊觴月地孝侯臺畔讀書人孫楚酒樓爲白門古蹟太白觴月於此周處讀書台則與芥子園適相鄰也

賈膠侯中丞有大園亭棄而不居改爲鄉館凡山石名賢之客都門者皆得寓焉李笠翁贈之聯云未聞安石棄東山公能不有斯園賢於古人遠矣漫說少陵開廣廈彼僅



空懷此願較之今日何如

柯岸初居臺諫幾二十年李笠翁贈聯云諫垣彌久望彌尊看此際三公都是當年等輩封事愈多功愈懋卜將來一擢盡補往日淹留

笠翁有除夕贈程蕉鹿文宗一聯云世間桃李盡出公門何須臘盡始芳菲滿眼無非春色天下魚龍都歸學海不待時來方變化啓口卽是雷聲

嘗見劉文清公書楹帖云鏡裏有梅新晉馬企中無藥舊唐雞不知所謂或云是錢東澗句

還園詩話補遺云對聯之佳者或題禪堂云無法何人說將心替汝安佛座云大護法不見僧過善知識能調物情題虎耶畫春冊店門云一陰一陽之謂道此時此際難爲情題戲臺後云做戲何如看戲樂下場更比上場難或見贈云天上何曾有山水人間樂得做神仙

秦澗泉學士請假南歸卜居於武定橋畔相傳爲前明何尚書汝龍故宅取東坡瞻望玉堂如在天上之意名其園曰瞻園園中有東山樓自爲聯云辛勤有此虛拙身歸矣

喜鳥啼花笑三徑常開好領取竹簷清風茆檐暖日蕭閒



無箇事閉戶恬然對茶熟香溫一編獨抱最難忘別來舊雨經過名山

江南董觀橋制府

教增

督聞浙時愛西湖山水之勝買宅

於杭城之三撥營擬解組後作平泉之墅榜其門云聖代卽今多雨露故鄉無此好湖山妙偶天然人多誦之後制府未及予告而已歸道山矣

京中宣武門外之方壺齋本戲園今改爲官宅余叔父太常公首實居之公出視學庸西余妹婿龔小峰豐穀居之獻歲自題門聯云家傳渤海箕裘遠春到方壺雨露新一

切姓一切地李芝齡

宗昉亟稱之

費西塘京兆

錫章

以

召試舉人歷登清要中年興高采

烈晚乃漸識夷塗嘗於書至中自撰一聯云酒闌興倦事

主情遷祇不忘遊過名山別來舊雨

此與泰澗泉學士語相同近吳山尊自撰

聯句亦用之或

春去仍歸人老難復更休託殿前起草海

皆襲學士語耳外題詩蓋京兆久爲軍機章京以才望著名及居諫垣又

曾奉

命充冊封琉球使者也

秋雨庵隨筆云葛秋生

慶會

齋中懸一聯云書似青山常

盈餘義士

卷十二

七



中国国家图书馆
NATIONAL LIBRARY OF CHINA

亂蠹燈如紅豆最相思語極清新青山句秋生自擬紅豆
句則許演生太史乃普所對也

宣武門外上斜街趙象庵舍人家菊花最盛自號菊隱花
時過客如織聞其初未著名待來觀者率不通謁亦不問
主人爲誰一日劉金門先生同京朝官借其園亭賞菊酒
闌主人出素紙求先生楹帖且乞新製問主人有何好答
云無他好惟愛菊如性命耳先生信手書云祇以菊花爲
性命而未有對語復問主人何姓答云姓趙乃一揮而就
云本來松雪是神仙一座歎其工敏

秋雨庵隨筆云伊犁有過復亭蓋爲謫宦而設劉金門宮
保適之題一聯云過也如日月之合焉復其見天地之心
乎運用成語天造地設

有以義園求劉金門先生撰聯者先生集四書云逝者如
斯夫掩之誠是也確切不移吾鄉福州會館屋後有野地
一區自前明卽立義園每春秋兩祭同鄉之在京師者咸
集問鄉老言舊有小亭前明葉文忠公有聯云滿眼蓬蒿
游子淚一盂麥飯故鄉情悽婉動人自余入京師則亭久
圯聯亦不存矣



余偶見一雜髮店中懸整容堂扁笏有聯云雖然毫末技藝却是頂上工夫雖巧而不傷纖文桃符綴語中載一聯云、白髮催人老更喜春風滿面生又秋雨庵隨筆中載一聯云到來盡是彈冠客此去應無搔首人皆頗自然又牙行市肆通用聯云其交以道其接以禮同聲相應同氣相求亦頗撲不破其語

大路邊茶亭或題一聯於柱云四大皆空坐片刻無分爾我兩頭是路喫一盞各自東西淺語頗有禪理又杭州湧金門外萬香居茶室聯云欲把西湖比西子從來佳茗似

佳人集蘇句恰切可入西湖志餘

鄭板橋六十自壽聯句云常如作客何問康寧但使囊有餘錢甕有餘釀釜有餘糧取數葉實心舊紙放浪吟哦興要闌皮要頑五官盡動勝于官過到六旬猶少定欲成仙空生煩惱祇令耳無俗聲眼無俗物胸無俗事將幾枝隨意新花縱橫穿插睡得遲起得早一日清閒似兩日算來百歲已多

板橋解組歸田日有李嘯村者贈之以聯板橋方晏客曰嘯村韻士必有佳語先觀其出聯云三絕詩書畫板橋曰



此難對昔契丹使者以三才天地人屬語東坡對以四詩
風雅頌稱爲絕對吾輩其思之限對就而後食久之且不
屬啓視之則一官歸去來也咸歎其工妙

厲樊榭先生

鶚

葬於杭州西溪王家塢不久遂爲榛莽後

四十餘年何春渚

其

游西溪見草堆中有樊榭及姬人月

上粟主在焉因取歸偕同人送至武林門外牙灣黃山谷

祠中掃灑一室以供之按月上姓朱氏烏程人王蘭泉先

生題其楹云丈室花同天女散摩圖詩其老人參見清福

山房詩話

有集四書語爲典肆聯云以其所有易其所無四境之內
萬物皆備於我或曰取之或曰無取三年無改一介不以
與人亦自穩切

吳山尊有題友人某別業云淥水淩丁簾增我輩閒中風
致名園依丙舍祝君家看到雲仍雖無深意而情文裴聲
自足動人

聞吳山尊嘗於歲暮向孫淵如先生貸金先生方自製室
內挑符謂山尊曰君能代我成一佳聯便當如所請山尊
應聲曰上相教除名士氣



至尊親評讀書人益上句乃董文華公最淵如之言對句
乃先生出試差復

命時所親承

天語也先生喜其雅切卽如所請金數與之山尊之善於
譽人皆此類也

趙雨樓

光前

與余同直樞地同膺察典而後余八年始出

守鎮江謁余於吳門索書楹帖余戲拈宋人句贈之云醉
中擲筆金鑾殿睡起鳴笳鐵甕城雨樓甚壯其語然出句
有倂侮之嫌雖成語亦不敢落筆也

侍郎最工作聯語余守荊州之明年卽擢淮海

卽奉使督學黔中過荊時手揮一聯見贈云南出

淮海天下願識韓荊州人皆服其工敏後余擢藩

郎主白下講席贈聯云名輩出樞垣本杜斷房謀

國鴻才領詞垣有歐書韓句濡染東吳乙未之秋

召復出授甘肅瀕行侍郎贈聯云霖雨東興樞

開遠略好風西笑湖山秀句帶邊聲云年余擢撫

視時侍郎復贈聯云淇容齋隨筆成書實著作

范致能聯總有錄比臣游於神仙適余方以退菴



中国国家图书馆
NATIONAL LIBRARY OF CHINA

至正故出聯云爾時同 觀入京者有賀耦庚中丞
亦贈聯云以孝去以忠來到處蒼生望霖雨是賢臣
者一編經世出名山蓋耦庚由江藩告養回籍此次
召復出次聯謂所撰 皇朝經世文鈔也
贈林少穆督部聯云理事若作真書縣密無間愛民
亦赤子體會入微少穆最工作小楷故出聯自然閉合
亦能酷肖其生平

爲觀察

正

七十生辰其子定菴儀部求壽聯於春

信筆書與之云使君政比龔渤海有子才如班孟

余亦寄一聯云系世紀羣交憶蘭省樞垣齊向後塵趨
以范傳家召杜諧喜院峰滬濱其聽兩地頌臺萊蓋觀察
初由禮部入軍機於余皆爲前輩而余宦江南又適值
察由安慶守擢蘇松監司也

余福州老屋在黃巷唐校書郎黃德溫先生

璞

故里黃巢

所稱儒者之宅相戒勿犯者也屋之對門爲酒壚憶初入
宅時先叔父九山公手書杜句作門聯云座對賢人酒門
聽長者車後酒家酒過不售遂歸咎此聯以爲賢人語含
譏諷公因復集杜句改署於門曰宅入先賢傳門聽長者



車乃不踰年而酒家歇業有一僮父奄有其地改換門庭
後四十年余由蘇藩假歸遂卜居焉

黃巷新宅之西有小樓余始葺而新之黃巷中以此樓爲
最古因卽榜爲黃樓集同人作詩張之近以詩稿云余小
霞爲寄題一聯云白傅早歸一代福人居福地蘇公再見
千秋黃卷重黃樓

余於五十八歲引疾歸里有口號云擇里仍居黃巷宅辭
官恰及白公年李蘭卿以此十四字作分書楹聯相贈時
方得文衡山芝南山閣畫卷余自書芝南山館扁於廳事

山錢裴山二先生銅鼓詩石刻其上有樓因呼爲銅鼓樓
地勢最高宜於登眺桂林千峰百嶂盡在眼中迄今七十
餘年樓漸剝侈樓下榛莽塞徑無過問者余莅任之明年
始捐俸重修並拂拭銅鼓時幕府諸君皆能詩因共和謝
錢韻張其事僚案亦以次繼聲遂有銅鼓聯吟集之刻樓
與新公語宜有聯因憶前人有集山谷東坡句云全以山
川爲眼界故應賓主盡詩人若移作此中聯語情景俱合
矣因書而懸之樓楹云

桂林棲霞山中有寺由寺後穿山腹可達七星巖上有碧



虛亭爲范石湖舊蹟亭前兩石柱刻聯云先文穆風流宛
在家學出耶壑偶然欽置范時崇蓋康熙中曾爲粵西藩
伯者先文穆是石湖家學士則不知所指徧詢之都人士
並檢志乘中皆不得其人存以俟考

堅瓠集云泉州府學某教授南海人頗立崖岸一日設宴
於明倫堂演西廂雜劇有無名子書一聯於學門云斯文
不幸明倫堂上除來南海先生學校無光教授館中搬出
西廂雜記某出見赧然自愧故態頓除

以下諧語

堅瓠集又云常熟桑氏悅

釋

以才自負居成均時爲耶仲

深所黜後就教職書對於明倫堂云文章高似翰林院法
度嚴於按察司

又云天啓中一巡按爲逆璫造生祠題楹柱云至聖至神
中乾坤而立極允文允武並日月以常新有錄其詞以獻
御史賢者忠賢讀之不解問左右何事說到黃閣老蓋黃
立極者同時宰相之名也左右曰某御史與爺作對耳忠
賢巍然變色曰多大御史敢與我作對趣召緹帥拘之左
右爲之再三解晰始喜

又云吳郡吳文之初名濟方九歲卽工屬文嘗自書對聯



中国国家图书馆
NATIONAL LIBRARY OF CHINA

云移門欲移山當榻補屋常愁雨溼書與同里張濟同塾
讀書客聞其才出對云張吳二濟聯床讀文之應云嚴霍
同光聞世生客善繪事自撰句云畫草發生頃刻工夫非
爲雨文之應云筆花燦爛須臾造化不關春客喜卽以爲
畫室楹聯云

又云吳門有客翁鄉居者求楊南峯書門對此翁之祖曾
爲人僕南峯題云家居綠水青山畔人在春風和氣中上
列家人二字也見者無不匿笑

重文泰公有族人某居京師者廳事懸一舊人所書聯云

賢者亦樂此卓爾未由從其字甚雄渾寶之二十餘年矣
一日紀文達師偶過之詫曰此聯始不可挂也某詰其故
師曰上聯首著賢字下聯首著卓字非君家遙遙兩華胄
耶某始爽然撤去

京師戲臺每演一劇必分開數日始了其緒蓋勾留觀者
使不能中途而輟也有集聯云把往事今朝重提起破工
夫明日早些來可稱工切又鄉村戲臺聯云父老閒來消
白晝兒童歸去話黃昏又有集四書句云聞絃歌之聲賢
者亦樂此見羽毛之美鄉人皆好之上聯謂崑腔下聯則



亂彈武戲也又一聯云或爲君子小人或爲才子佳人登
場便見有時歡天喜地有時驚天動地轉眼皆空語雖質
俚亦自隱括近有集視帖字云稽古昔畢類其人賢以生
爲趣由丑作託清閒咸臨此地情隨事感曲有文聽又吳
立甫援貢大本醉後爲人促作戲臺聯因集句付之云古
今人何處不相及天下事當作如是觀又有作戲臺後一
聯云凡事莫當前看戲何如聽戲好爲人須顧後上台終
有下臺時則幾於格言矣

京師慶甯園戲臺聯云大千春色在眉頭記當年翠暖珠

香曾游膽部五萬鶯花如夢裏念此旦丁歌甲舞重醉崐
嶠詞意在可解不可解間或云是亂筆大抵戲臺聯莊諧
並宜但忌俗耳或集經語云治世之音安以樂君子有酒
旨且多則莊重不佻用於官廨尤宜也

余紫松提戎

步雲

曰記得

圓明園有一副臺聯云堯舜

生湯武淨五霸七雄丑末耳伊尹太公便算一隻耍手其
餘拜將封侯不過搖旗納喊稱奴婢四書白六經引諸子
百家雜說也杜甫李白會唱幾句亂談此外咬文嚼字大
都緣街乞食鬧蓮花似此大識力大議論斷非凡手所能



爲或以爲自 大內傳出者近之

對聯有可解頤者康熙時廣東詩僧住海珠寺交通公卿
寺塑金剛與彌勒環坐對聯云莫怪和尚側這般大樣請
看護法者豈是小人又楊蘭坡題倒坐觀音像云問大士
緣何倒坐恨凡夫不肯回頭又江西某君題養濟院云看
諸君腦滿腸肥此日共餐常住飯想一樣鐘鳴果食前身
都是宰相身

乾隆庚子歲二藏活佛來朝供帳極盛住 雍和宮遠近
僧徒參謁者日以千計活佛高坐跏趺無少動也未幾以

出痘死有好事者送一輓聯云渺渺三魂活佛竟成死鬼
迢迢萬里東來不見西歸時傳爲笑柄

魏善伯徵上題范觀公中丞廁聯云成文自古稱三丁作
賦於今過十年廁不必聯然如此雅切大方自亦可喜若
一夕話所載莫道輪回輸五穀可儲筆札賦三都又但願
生民無殿屋不慙宰相受堂食又官司不令多中飽燕飲
應知無後艱則又遜前語矣

繆蓮仙塗說云安嶽無爲州老諸生得 欽賜舉人自作
一堂聯云並未出房廊得白頭髮秀才何嘗中式倒做了



黑耳朶舉人蓋俗以衙門中未上名而幫差者爲黑耳朶故戲用之又有一廩膳生得欽賜副榜者亦自書一堂聯云說甚功名只免得三年一考有何體面倒少了四兩八錢末句蓋言廩祿也

袁簡齋先生云或傳程魚門編修晉芳京中移居詩云勢家歌馬評珍玩冷客攤錢問故書予笑曰此必琉璃廠也詢之果然因記商寶意移居周蘭坡與葛晴初訪之見門對云豈有文章驚海內從無書札到公卿萬曰此必商君宅矣詢之亦果然

續消夏錄云張明經晴嵐除夕前白題門聯云三間東倒西歪屋一個千鎚百鍊人適有鍛鐵者求彭信甫書門聯信甫戲書此二句與之兩家望衡對宇見者無不失笑二人本辛酉拔貢同人頗契厚坐此竟成嫌隙所謂凡戲無益此亦一端也

魯亮儕觀蔡性粗豪而所居屋狹自署其門聯云兩間東倒西歪屋一個南腔北調人見茶餘客話

堅瓠集載漳浦趙從誼知獨山州州城極荒涼衙署尤陋趙自題楹柱一聯云茅屋三間坐由我臥由我里長一個



左是他右是他

柳南隨筆云岷山歸元恭先生狂士也家貧甚扉破至不可圍椅敗至不可移則俱以緯蕭縛之遂書一扁曰結繩而治又除夕署其門楹云一鎗戳出窮鬼去雙鉤搭進富神來其不經多此類時人呼之爲歸癡云

陳文恭續訓俗遺規內載一事云常州一老布衣平時好狡自號清客書門對曰心中無半點事眼前有十二孫有人續寫其下云心中無半點事半生不曾完糧眼前有二孫十個未經出痘見者絕倒

有一縣令自題其署外大門云愛民若子執法如山實非良吏也他日有無名子續寫其後成一長聯云愛民若子牛羊父母倉廩父母僕爲子職而已矣執法如山寶藏與焉貨財殖焉是豈山之性也哉言得宋漫堂詩廊偶筆中載一年老令君大書縣治之前曰三不要下注一不要錢二不要官三不要命次日視之則每行下各添二字不要錢下曰嫌少不要官下曰嫌小不要命下曰嫌老蓋與此同一惡謔也

有某太守清苑人曾令涇縣以貪酷聞一日晨起見廳事



貼一四書集句聯云彼哉彼哉北方之學者何足算也戒之戒之南人有言曰其無後乎

前明袁褱菴十令以荊州守罷歸流寓金陵落魄不得意大書門聯云佛言不可說不可說子曰如之何如之何亦自謂以經對經也

明末有海中渠魁至普陀山設齋一月手題楹柱云自在自觀觀自在如來如見見如來其字至今猶存

公牘中字義多不可解嘉應湯滋圃游幕南陽時戲作聯云勞形於詳曉關咨移檄牒萬日在欽蒙泰准據爲承亦

以不解解之也

間粵洋有巨盜郭學顯者乳名郭婆帶雖剽掠爲主

丁一頗好學舟中書籍鱗次無一不備船頭一聯云道不行乘桴浮於海人之患束帶立於朝在洋驛騷多年官兵莫敢捕治後爲百菊溪制軍招降予以官辭不受於羊城買屋課子以布衣終

嘉慶間周蓮塘大宗伯兆基夢德州盧南石師代之時也

西塘爲京兆尹與周至好往弔目一哭而殂京師戲爲周作聯聯云一品頭銜讓南石三聲腸斷失西塘



李文塘云揚州虹橋東畔有靈土地廟其前爲過街亭凡
喪殯出城廟僧輒有路祭禮拜誠敬之意如所親暱以此
爲終歲孟飯計惟風雪苦寒不能出戶時但於枕上問千
百人履聲及笑語歌哭不絕於耳每生寶山空回之感廟
中有集聯云到處雲山到處佛當坊土地當地靈上語爲
金冬心農登嵩雜述詩句對語爲鄭板橋題知臬土地廟
聯句云鄉里鼓兒鄉里打當坊土地當坊靈

青春鸚鵡楊柳樓臺司空表聖詩品句也陳曼生邵承集
一句爲對云綠締鳳凰梧桐庭院注云張子野詞請梁山

舟學士爲書楹帖學士愛其工然書之後徧考子野
詞並無此二句蓋意邵承杜撰也

嘉靖末宜興大疫有二青衿俱死同上閻王殿一從東廊
一從西廊各袒胸以目王察其籍皆以無罪放回從東者
述所見柱上聯語爲天道地道人道鬼道道道無窮恨不
見西柱對從西者述所見云胎生卵生溼生化生生生不
已其餘所見皆同

福州鄉俗每逢端午節既於朔日懸蒲插艾於門庭而五
日午時又必用紅箋書對句貼於楹柱謂之午時書蓋自



中国国家图书馆
NATIONAL LIBRARY OF CHINA

前明已然亦桃符之別也相傳徐振烈

即徐五

自作門前

午時書云門幸無題午人慚不識丁曹石倉先生以此賞異之近日通行之語如海國申天節江城五月春及保又思君子依蒲祝聖人語尙近雅時人又有自出新製者未免纖佻其用艾旗招百福蒲劍斬千邪及蒲帶榮封一品艾旗捷報三元舊語者蓋十家而九則墮入惡道矣

程春海侍郎在京邸續娶黃左田先生贈聯云

義定識

威姑注灑翰應增呂子書陳石土前輩

用光

亦贈聯云博

識書成臨月按合歡酒熟對花斟皆自謂雅切續娶時亦

頗傳誦之按此沿用俗傳東萊博議成於新娶一月事

未考也本書自序謂屏處東陽之武川里有從游者談餘

語隙波及課試之文乃取左氏事理亂得失之迹疏其說

於下旬儲月積浸就篇帙云云無一語涉及新娶者又考

呂公年譜初娶韓元吉女在紹興二十七年時居信州不

居東陽後乾道三年持母喪居明招山學子有來講習者

四年已成博議五年二月除服乃繼娶韓氏女弟則是書

實成於喪制中流俗所傳不足辨矣



中国国家图书馆
NATIONAL LIBRARY OF CHINA



中国国家图书馆
NATIONAL LIBRARY OF CHINA